



قطاع الثقافة

الأعمال الكاملة للدكتور مصطفى محمود

الإنسان والظل

المكتبة العربية
www.tipsclub.net
amly

دكتور مصطفى محمود

دار
أخبار اليوم

قطاع الثقافة
والكتب والمكتبات

رئيس مجلس الإدارة :

محمد عهدي فضلي

الدكتور مصطفى محمود

الإنسان والظل

مسرحية من فصولين

دار أخبار اليوم
قطاع الثقافة
جمهورية مصر العربية
٦ شارع الصحافة القاهرة
فاكس : ٢٥٧٩٥٨٩٦

شخصيات المسرحية

رحمى سعودى : قاض ٥٠ سنة.

كوثر : زوجته ٢٥ سنة .

توفيق : مُحام ابن عم كوثر .

أم رحمى : والدّة القاضى .

فضل الشرقاوى : مُتهم حُكم عليه بالإعدام .

حاجب المحكمة

بوسطجى

مُتهمون آخرون حُكم عليهم بالإعدام فى أحكام سابقة وشُنقوا .

تصميم الغلاف :

د.عبد الكريم محمود

برولوج الوقت نهارا المنظر

«نصبة القاضي فيها المستشار رحى سعودى إلى جانبه عضوان
عاشو يمين ، وعضو يسار ، بينما تفتح الستار يلقى النور الكاشف على
وجه المستشار رحى ونراه يقوم ليلقى بالحكم .

رحى : باسم الأمة : حكمت المحكمة على المتهم فضل
الشرقاوى حضورياً بالإعدام .

[ضجيج يشمل القاعة عند سماع كلمة «حضورياً»
ويغرق صوت القاضي]

صوت امرأة : برىء ياسعادة البية .. برىء برىء ..

صوت الشرقاوى : لا .. أنا قتلته .. قتلته .. بإيديا دول .. ولو شفته

قدامى حاقطله تانى [يصرخ] فين هوه وأنا اقلته

تانى .. فين هوه وأنا اقلته تانى ...

[ظلام تدريجى على المسرح واختفاء تدريجى

للصوت حتى يختفى المنظر تماما]

الفصل الأول

الوقت : مساء

[تزاح الستار للمنظر الثاني في بيت القاضي
رحمى .. غرفة مكتب ستيل واسعة أنيقة ..
مكتب كبير منقوش بالأويمة طراز قديم وكتب
على رفوف بالجدران .. ساعة حائط وستارة
على النافذة عدد من الكراسي الجلدية .. صورة
لرحمى في روب القضاء والوشاح الأخضر ذى
الهلال والنجوم .. باب الغرفة مفتوح ونرى من
خلاله بوضوح أم رحمى تصلى على سجادة فى
الغرفة الأخرى .. زهریات ورد كبيرة فى كل مكان .
كوثر تقطع الغرفة ذهاباً وإياباً فى عصبية -
ثم تتوقف لتلتفت حولها .. تضع يدها على
أذنيها .. ثم تعود لتذرع الغرفة فى عصبية ..
يبدو أنها فى أزمة .
نرى الأم تطوى السجادة ونسمع كلمة]

الأم : يارب .
 [الأم تدخل من الباب .. كوثر تلقى بنفسها بين ذراعيها]
 كوثر : [هاتفة] : أنا مش قادرة استحمل أكثر من كده .. مش قادرة .
 الأم : يابنتى الصبر طيب .
 كوثر : أنا مش عارفة جرى له إيه .. مش ده رحمى .. رحمى اللى متجوزاه من ٣٠ سنة .. رحمى اتغير .
 الأم : يابنتى دى وسوسة شيطان .
 كوثر : تصورى إنه كان حايقتلى .. رحمى .. العاقل الهادى اللى عمره ما رفع صوته عليه .
 الأم : يمكن كان تعبنا من الشغل .. وأنت عارفه أنه بيسهر للفجر يقرأ القضايا سطر سطر .. وحرف حرف .
 كوثر : طول عمره بيشغل ويسهر .. عمره ما اشتكى ولا فقد أعصابه .. إيه اللى غير حاله ؟ حانقول بيشرب .. عمره ما حط الخمرة فى بقه .. حتى السجائر مابيدقهاش .
 الأم : ولاد الحرام كثير يا بنتى
 كوثر : وحايجولو منين ؟ وحايشفوه فىن ؟ ده مالوش

طريق غير شغله .. من البيت للمحكمة ومن المحكمة للبيت .
 الأم : يمكن فيه حاجة تعباه .. يمكن فيه فى قلبه حاجة .
 كوثر : ياريت يفتح لى قلبه .. ياريت يشتكى لى .. كام مرة اتمنيت أنه يقعد جنبى يكلمنى من غير تكليف يحكى لى متاعبه يكاشفنى بعواطفه .. لكن أبداً .. العمر اللى عشناه كان كله تكليف .. ورسميات .. كان دائماً القاضى الوقور المتحفظ .. حتى فى بيته أنا عمري ما عرفته .. أنا مراته عمري ما عرفته .
 الأم : أنا أمه وعارفاه .. رحمى طيب وغلبان .
 كوثر : عمري ما حسيت انه طيب .. اسألى أى حاجب فى المحكمة يقولك إنه بيحكم من غير رحمة .. مافيش متهم وقع بين إيديه ماخدش إعدام أو أشغال شاقة .. دايماً بيحكم بأقصى العقوبة .. أقصى العقوبة .. وفى البيت معايا ومعاكى ومع الخدامين ما عندوش قلب .. كل شىء عنده بالعقل والمنطق .. حياته مواد .. ولوايح .. وقوانين [تصرخ] لكن احنا بشر بشر بشر !
 الأم : يابنتى أنت جرى لك إيه ؟
 كوثر : [تنهار باكياً] : أنا مش عارفة أنا جرى لى إيه ..

أنا باخاف منه .. باخاف أبص في عينيه بيتهيالى
أنه حايقثلى .. تصوورى إنه بيشك فيه أنا مراته
من ٢٠ سنة .. بيشك فيه .

[نرى توفيق داخلا .. شاب أنيق وسيم -
محامى ابن عم كوثر وصديق الزوج]

تعالى يابنى شوف بنت عمك جرى لها إيه .. أنا
مش فاهمة إيه حكايتها .

[الأم تخرج .. توفيق مقبلا على كوثر المنهارة
على الكرسي]

إيه يا كوثر مالك ؟

[مازالت تبكى] : مش عارفة يا توفيق .. حاسة
إنى مش عايشة .. أعصابى بتنهار يوم بعد يوم أنا
باتخنق فى البيت ده .. بتخنق .

إيه الكلام ده ؟ انت اتجننتى ؟ دلوقتى عرفت ليه
بتشتكى من معاملة رحى اللى اتغيرت .. دلوقت
عرفت مين اللى اتغير .

مين اللى اتغير ؟

انت اللى اتغيرتى يا كوثر .. انت اللى جنينتى
جوزك وخليتيه يخرج عن صوابه .

ياربىتنى أقدر أخليه يخرج عن صوابه .. دنا عمري

الأم

توفيق

كوثر

توفيق

كوثر

توفيق

كوثر

ما قدرت أأثر فيه . عمري ما قدرت أحرك قلبه ..
كان دايم العاقل الكامل الجامد الشعور اللى
مافيش حاجة تهزه .. كام مرة اتمنيت أنه يغلط
عشان أسامحه .. يضعف عشان أقف جانبه ..
أحس مرة أنه بنى آدم وأنه له قلب وعواطف .

صحيح هى دى طبيعة رحى طول عمره .. وهو
طالب فى الحقوق .. وهو فى النيابة .. وهو فى
القضاء : كان دايم الإنسان العاقل الساكت اللى ما
يتكلمش إلا بحساب .. كان لما يسمعنا نحكى على
مغامراتنا العاطفية يضحك ويقول عواطف إيه اللى
بتكلموا عنها .. وخليتوا إيه للشعراء .. رجال
القانون لازم يبقوا أهل منطق وعقل مش أهل
عواطف ، لكن فى النهاية رحى اتجوزك .. فى
النهاية حب زى كل الناس .

[فى ألم] : حب [تنظر إلى توفيق فى حيرة]
تفتكر رحى بيحبنى .. رحى لما اتجوزنى كنت
بالنسبة له زيك تمام .. مجرد زميل .

لا يا كوثر ،
رحى اتجوزنى لأن الجواز عادة حميدة بيأمر بها
العقل والمنطق .. اتجوزنى لأن كل رجل محترم فى
مجتمعنا بيتجوز .

توفيق

كوثر

توفيق

كوثر

توفيق

ده كلام روايات .. أنا مش عارف أنت عاوزه إيه ..
مرة بتشتكى من جوزك لأنه عصبي .. ومرة
بتشتكى منه لأنه بارد مافيش حاجة بتحركه .. أنا
مش فاهم .

كوثر

[تمسح دموعها في كبرياء] : أنت مش فاهم
أى حاجة .. أنت زى كل الرجالة بتنظر للست على
أنها حنة موبيليا .. وتنكر عليها حقها أنها تتكلم ..
تتألم .. تشتكى .. [موسيقى] لو كنت عشت سنة
« وحيد » زىي كنت عرفت إيه معنى أنك تبقى عايز
تتكلم .. ونفسك تلاقى حد تكلمه .. ومش لاقى حد
تكلمه .

توفيق

[مقبلا عليها في إشفاق ممسكاً بيدها في رفق] :
كوثر .. أنا ما قصدتش أجرحك .

كوثر

[تبتسم من خلال دموعها] : واحنا صغيرين لما
كنا بنلعب في الجنية كل الأحبة اتنين اتنين ..
كنت ساعات متلاقيش حد يلعب معاك .. وكنت
تقعد تعيط تحت تكعيب العنب .. فاكرك ؟

توفيق

[مبتسماً] : أيوه فاكرك .
[سرحانة من خلال دموعها] : وفاكر شعورك
وأنت قاعد لوحذك .. وكل ولد معاه بنت تلعب معاه .

توفيق

كوثر

كنت باحس إنى زى اليتيم .
أنا عشت شهابى يتيمة .. زيك وأنت قاعد تعيط
تحت التكعيب .. كنت باقضى الليل سهرانة لوحدى
فى أودتى وهو سهران مع الدوسيهات والقضايا ..
عمره ما فكر أنه بيص لى حتى على أنى قضية
مركونة منسية .. أى مجرم قتال قتلى كان بيثير
اهتمامه أكثر منى .. كان بيعيش بيفكر فيه ليالى ..
كنت بسال نفسى دايمًا : إيه سر الجفاف الشديد
فى طبعه ؟ إيه السر ؟! أنت صاحبه ياتوفيق .. أنت
لازم تعرف عنه أكثر منى .

توفيق

كوثر

أنا فى الحقيقة عمرى ما قدرت أفهمه .
أنت اللى بتقول الكلام ده .. أنت اللى عاشرته أكثر
من « أخوه » وفتحت له قلبك وفتح لك قلبه .

توفيق

كوثر

توفيق

رحمى عمره ما فتح قلبه لحد .
وده بيقى إنسان طبيعى ؟
مش عارف أقول لك إيه [مترددًا .. يفكر] مش
عارف .. يمكن يكون عيان .

كوثر

أنا برده ساعات باقول إنه عيان .. لكن عيان بإيه ؟
يمكن الإنسان يبقى مصاب بعاة فى الشعور ؟
يبقى عاجز عن الحب زى الأعمى العاجز عن

البصر - يبقى مولود من غير قلب ..
توفيق لا .. أنا قصدي عيان .. عيان .. أنا شفته النهاردة
داخل عيادة دكتور .
كوثر هو طول عمره بيجري ورا الدكاترة .. والنهاردة
صبح يسال على دكتور عشان يعالج صباغه .. هو
عايش فى الخوف .. خايف من المرض وهو عمره
ما رقد بمرض .
وخايف من الفقر وهو عمره ما شاف الفقر ..
ساعات بيتهيا لى أنه اتجوزنى من خوفه .. من
خوفه ليموت وحيد .
توفيق كوثر ، ما تظلميش رضى للدرجة دى .. رضى
بيتعذب .
كوثر بيتعذب ؟ أنت بتقول بيتعذب ؟
توفيق لو كان زى ما بتقول من غير قلب كان ارتاح ..
اللى بي فقد الشعور والقلب بيرتاح .
كوثر مش قادرة أفهم .
توفيق أنا باحس دايماً أنه بيتعذب .. لكن مش قادر
أوصل للسبب .. كل ما أقرب له أحس أنه بيتعذب
عننى ويبخش جوه نفسه .. وكل يوم يبخش جوا
نفسه أكثر .

وأنا يا توفيق .. حاولت تحس بى مرة .. حاولت
تعرف قد إيه أنا باتعذب .
توفيق كوثر .
كوثر وأنا ايديا ممدوده بالحب والحنان والرحمة ومفיש
إيد بتمتد لى .. وأنا بادق على باب مقفول .. وبكلم
واحد مش بيسمع .
توفيق رضى بيسمع .. رضى بيسمع .
كوثر بيسمع وبيشوف .. وبيحس .. آمال ليه مابيقدرش
يحس بيه ؟
توفيق بيتيهيا لى كل واحد فيكم بيتكلم لغة مختلفة عن
الثانى .
كوثر نفسى تعرف لغته عشان تفهمها لى .
[صوت رضى يرتفع عالياً خشناً من خارج
المسرح]
رضى أنا قلت مش عاوز ورد .. مش عاوز ورد .. ريحة
الورد بتخنقنى .. بتخنقنى .
[كوثر تفيق على صوت زوجها .. وتتبدل
سحتها ويبدو عليها الغم]
كوثر رضى جه [وما تلبث أن تخرج مسرعة]
رضى فى كل حنة ورد .. ورد .. أنا بتخنق .

البصر - يبقى مولود من غير قلب ..
توفيق لا .. أنا قصدي عيان .. عيان .. أنا شفته النهاردة
داخل عيادة دكتور .
كوثر هو طول عمره بيجري ورا الدكاترة .. والنهاردة
صبح يسال على دكتور عشان يعالج صباغه .. هو
عايش فى الخوف .. خايف من المرض وهو عمره
ما رقد بمرض .
وخايف من الفقر وهو عمره ما شاف الفقر ..
ساعات بيتهيا لى أنه اتجوزنى من خوفه .. من
خوفه ليموت وحيد .
توفيق كوثر ، ما تظلميش رضى للدرجة دى .. رضى
بيتعذب .
كوثر بيتعذب ؟ أنت بتقول بيتعذب ؟
توفيق لو كان زى ما بتقول من غير قلب كان ارتاح ..
اللى بي فقد الشعور والقلب بيرتاح .
كوثر مش قادرة أفهم .
توفيق أنا باحس دايماً أنه بيتعذب .. لكن مش قادر
أوصل للسبب .. كل ما أقرب له أحس أنه بيتعذب
عننى ويبخش جوه نفسه .. وكل يوم يبخش جوا
نفسه أكثر .

[تدخل كوثر حاملة صينية عليها شاي
وساندوتشات يتطلع إليها رحمي مرتاباً]
أوعى تكونى حظيتى لى سكر [يخرج غلبة من
جيبه] هاتى وأنا احط بنفسى .
[ياخذ فنجانَه ويضع فيه فتفوتة سكرين]
إيه اللى بتحطه ؟
سكرين .. احنا دلوقتى فى السن الحرجة ..
والإسراف فى النقشويات يجيب لنا السكر والوقاية
خير من العلاج .
أعوذ بالله .. والله يا أخى أنا عندي أعيا بالسكر ولا
أتى أعيش طول عمرى آخذ وقاية منه .. حظى لى
يا اختى ثلاث حنت .. حظى .. روماتيزم إيه وسكر
إيه .. أنت بخير والحمد لله وصحتك كويسة إيه
لازمة الخوف .. دى العيشة فى الخوف كده الموت
أرحم منها .
الموت .. [ينظر إليه نظرة غريبة] وهو فين الموت ؟
اللى أنت فيه هو الموت .
[تسحب كرسيًا وتجلس] وأشنع من الموت ..
الموت على الأقل راحة وإنما العيشة فى العذاب كده
جحيم .

[صوت من الخارج .. يدخل رحمي يده
مربوطة برباط شاش]

رحمي : أهلاً توفيق .. أنا اتأخرت عليك .. معلش .. أصل
عديت على الدكتور .
توفيق : إيه ؟ مال إيدك .. إيه اللى جرحها ؟
رحمي : لو حكيت لك مش حاتصدق .. وحاتقول على
مجنون .
توفيق : [ضاحكاً] : أهى دى اللى عمرى ما حقولها أبداً .
رحمي : لكن هى دى الحقيقة [يتهاك متعباً مكدوداً] ثم
يقوم ويذهب ويجيء فى قلق ثم يتلفت حوله
قائلاً فى رجفة [
رحمي : الهواه جأى منين .. فيه تيار هوا .. يا ساتر ..
أنا بردان !
توفيق : بردان منين بس .. ده احنا فى عز الحر ..
والشبابيك مقفلة .. مفيش نسمة هوا .
[رحمي يتلفت حوله ليتأكد من أن الشبابيك
مقفلة فعلاً ثم يغمغم]
رحمي : كده .. طيب .. أنا حبيت اتأكد بس .. أصل أنت
عارف الروماتزم لما بيتسكن من المفاصل .. يلا
السلامة .

رحمى

[مازال ينظر نظرات غريبة] : جحيم فعلا ..

هى جحيم .. مين يعرف ؟ يمكن انا عملت حاجة
أستحق عليها الجحيم .

توفيق

إيه التخريف ده ؟

رحمى

أمال بعنى الناس بيتخطوا فى الجحيم من غير
سبب ؟

توفيق

الناس هما اللي بيخطوا أنفسهم فى الجحيم بسوء
تصرفهم .. وأنت حكمت على نفسك بالجحيم
بوسوستك وخوفك ورعبك من كل حاجة .

رحمى

[يصفق] : مراقبة عظيمة يا أستاذ توفيق ..

رائع .. براءة .. إفراج يخرج رحمى من الجحيم ..

يفرج عنه حالا [يبتسم وينظر إليها نظرات
غريبة] ياريت الدنيا سهلة كده زى ما هيه سهلة

فى المحاكم .. ياريت الاقى المحامى اللي يطلعنى

براءة ويفرج عنى [ينظر إليه متوسلا] عندكش

محامى كويس ياخذ اللي ياخذه بس يترافع عنى

بذمة ويطلعنى من الغلّب اللي أنا فيه .

توفيق

[ضاحك] : حتطلع تروح فين يا رحمى .

رحمى

[فى ياس] : فعلا .. حاطط أروح فين ؟ حروح

من نفسى فين .. واطلع منها ازاي .. اشرب

يا توفيق [يناوله فنجاناه .. يتلفت حوله فى

حيرة] ساعات بيتها لى أن كل ده مش حقيقى ..

أنا وأنت وكباية الشاى وطعم السكر وابتساماة

كوثر ومرارة العلقم اللي جوه قلوبنا والضحك

والدموع كل ده مش حقيقى .. حاجة زى حفلة

تنكرية بروفة ورا الكواليس خيالات بعد كاسين

وسكى .. كابوس بعد أكلة ثقيلة .. تصاوير زى

الى بنشوفها فى كتب الاطفال [يسرح لحظة] ..

ساعات يفكر .

[يصمت طويلا فى حيرة ولا يتم جملته]

[فى فضول] : بتفكر فى إيه ؟

توفيق

رحمى

[بإشاحة من يده] : لا مفيش فايدة لا

حتفهمنى ولا حافهمك .

[يستحثه] : أبدا .. تأكد أنى حافهمك .

توفيق

رحمى

هو خير غريب .. يمكن ما تصدقش .. أنت فاكِر

الشرقاوى ؟

توفيق

[محاولا أن يتذكر] : القضية اللي حكمت فيها

بالإعدام على فضل الشرقاوى .. أيوه فاكِرها .

رحمى

[يلقي بقنبلة] : فضل الشرقاوى لسه عايش .

توفيق

[يقفز من كرسيه] : فضل الشرقاوى اللي

اتشنىق من كام سنة .. عايش 19 أنت بتقول إيه 19

رحمى : باقول إنه عايش .

توفيق : قصدك عايش فى خيالك 19 أو فى ..

رحمى : عايش فى الدنيا .

توفيق : إيه الكلام ده .. أنت حاتجننى ؟

رحمى : أنا باقولك على الحقيقة .

توفيق : وقلت للدكتور على الكلام ده .

رحمى : لا طبعاً ..

توفيق : [ينظر إليه فى إشفاق] : رحمى .. أنت لازم

تاخذ اجازة من الشغل وتستريح .. أنا عارف أن

قضية السفاح بشندى طولت وتعبتك .. وتعبتنا

احنا كمان .. والمرافعات مش حاتخلص والملف اللى

كان صفحتين بقى ألف صفحة .. وأنت بترهق

نفسك .

رحمى : أنت عايز تقول إن عندى « انهيار عصبي » ؟

توفيق : [فى ياس] : على كسيفك أنت حر .. أنا مش

معقول حانصحك وأنت أكبر منى وأدرى بنفسك .

رحمى : مش قولتلك مش حاتفهمنى .. [يشيح بيده]

عالموم ماتزعلش - اعتبر الكلام اللى قلته نكتة .

توفيق : نكتة .. [ينظر إليه فى دهشة]

أنكت مرة من نفسى يا أخى .. طول عمري

مانكتش ولا نكتة ..

[ما زال ينظر إليه فى عجب] : لكن دى بقى

نكتة غريبة قوى .

يعنى مش ساعات بتشوف نفسك فى الحلم جرادة

.. وتبقى مندهش جدا إزاي أنت جرادة بتاكل

ورق شجر .. تبقى زعلان ومش مصدق .

والآخر بصحى .. بلاقى نفسى إنسان مش جرادة

زى ما أنت شايف .

[ضاحكاً] : وإيش عرفك إنك إنسان دلوقت ..

مش جاييز أنت جرادة بتحلم أنها إنسان وأنت

حاتصحى كمان شوية تلاقى نفسك جرادة .

[يشد شعره] : لا أنت النهاردة حاتجننى .. إيه

رايك فى الكلام ده يا كوتر ؟

رحمى : أنا مش فاهمة حاجة .

رحمى : أحسن .

رحمى : ..

رحمى : آمال لو حكيت لكو على الحكاية التانية اللى

حصلت لى حاتعملوا إيه ؟

دونر وتوفيق : حكاية إيه كمان ؟

رحمى : حكاية الجرح اللى فى إيدى وسببه .
توفيق : أيوه صحيح أنت ما حكيت لناش على الجرح اللى
فى إيدك .
رحمى : لوقلت لكو برضه مش حاتصدقوا .
توفيق : يا سيدى حاتصدق .. بس قول لنا .
كوثر : أطلع بره عشان تتكلموا على راحتكم .
رحمى : ليه بقى .. هو أنا تعورت فى كباريه ؟
توفيق : آمال إيه يا أخى حيرتنا !!
رحمى : [يقوم من كرسيه ليذرع الغرفة فى شرود]
أبداً .. ولا حاجة .. أصل اتعورت فى اللحم .
توفيق : فى اللحم ؟
رحمى : أيوه فى اللحم .. واحد ضربنى بسكينة فى اللحم ..
صحبت لقيت إيدى مقطوعة والدم نازل منها .
[كوثر تنظر إلى توفيق نظرات ذات معنى]
توفيق : رحمى .. أنت حاترجع للنكت تانى .
رحمى : مش قلت لكو أنكو مش حاتصدقوا .
توفيق : رحمى .. أنت لازم تحكى لنا بالضبط إيه الحكاية ..
أنت مش طبيعى اليومين دول ولازم فيه حاجة
مخبياها علينا .. ولازم تقول لنا عليها .
[رحمى ينظر إليهما .. يبدو عليه الارتباك ولا يتكلم]

رحمى :
[فى ارتباك] : أصل ما فيش فايدة .. ما فيش حد
فيينا حاي فهم التانى .
ما هو مش معقول كمان تضحك علينا بالكلام
الفارغ بتاع الاحلام ده .. ده كلام ما يخشش عقل .
عقل ؟ عقل مين ؟
العقل المنطقى الحصيف اللى بيصوغ العدالة
ويورينا الحقيقة فى الحكمة كل يوم .
[ساخراً] : حقيقة إيه .. وعدالة إيه .. احنا
حانغنى على بعض .. هو فيه حاجة فى الدنيا دى
اسمها عدالة .. ولا حقيقة ؟
رحمى :
بذمتك فيه فى الدنيا عدالة ؟ القاتل الذكى اللى
بيقتل عينى عينك فى حروب النهب والعدوان حد
بيقول له تلت التلاتة كام .. مش بياخد نشان
وترقية على جريمته .. ويقولوا عنه البطل اللى
دافع عن الديمقراطية والحرية وحرر الشعب من
نير العبودية إلخ .. إلخ .. ما هو كل واحد حايلاقى
له شعار وكلام يقوله ، ودمام معاه أوامر وورقة
ممضية حايقدر يعمل أى حاجة .. يقتل يسرق

ينهب يسجن .. يعنى السفاح بشندى اللى احنا
سجنناه بأوراق وأحكام وحيثيات يعنى أنت متأكد
أنه مجرم .. ولما أنت متأكد أنه مجرم صحيح ..
كنت بتدافع عنه ليه وتطلب له براءة .

توفيق : عشان يبقى عنده فرصة يقول كل حاجة .
رحمى : عمره ما كان عنده فرصة يقول أى حاجة .. أنت
اللى كنت بتتكلم طول الوقت وهو مسلسل فى
القفص .

توفيق : [يسكت مأخوذاً : لحظة صمت ثم يقول بارتياح]
وحاتنظر قضية بشندى .. بالطريقة دى من يوم
ورايح .

رحمى : ومين قال لك إنى حانظر قضايا .. أنا خلاص
طلبت إحالتى على المعاش وتسوية مرتبى .
[توفيق وكوثر يصيحان فى وقت واحد]

توفيق : رحمى !
كوثر : رحمى أنت بتقول إيه ؟
رحمى : أنا تعبت .. الفاعل اللى بيثيل الطوب على دماغه
بيجبلوا ساعة بينهد وينام وأنا اتهديت .. عقلت
اتهد .. أنا مش فاهم حاجة .

توفيق : [فى حيرة] : مش معقول .. مش قادر أصدق أن

اللى بيقول الكلام ده هو اللى حكم بالإعدام
والاحكام القصوى بالسجن والأشغال الشاقة على
المئات .. هو .. المستشار رحمى اللى بيرعب أعتى
المجرمين .

رحمى : كان زمان .. دلوقتى المستشار الرهيب أقل شئ
يرعبه .. ضله على الحيط يرعبه .. دقات قلبه
ترعبه .. كلمة الحق ترعبه .

توفيق : كلمة الحق ؟

رحمى : مفيش شئ يخوف قد كلمة الحق .. يمكن لو
فكرت فى كلمة الحق دلوقتى تموت نفسك .. يمكن
تنتحر .

توفيق : أنا طول عمرى بأفكر فى كلمة الحق .. ده عملى ..
حرفتى .

رحمى : الحق مش ممكن الواحد يحترفه .. ده له اسم تانى
اللى أنت بتحترفه .. اسمه الباطل .

توفيق : لا .. ده أنت فعلا .. تعبان أوى .
رحمى : الحق زى الشمس الواحد ما يقدرش يبص فيه ..
ولو بص فيه بيعمى .. هتلا الجبار لما بص لوجهه
الحقيقى فى اللحظة الأخيرة ضرب نفسه
بالرصاص .. ماقدرش يبص مرة تانية .. مقدرش
يواجه الحقيقة .

توفيق : وأنت شفت الحقيقة .
 رحى : أنا إنسان كلي البصر .. أنا شخت .. عجزت .. أنا
 دلوقتى فى المنفى .
 توفيق : أنت اللى بتقنى نفسك بنفسك .
 رحى : [يرفع بصره وينظر إلى توفيق وكوثر ولا
 يجيب .. لحظة صمت] : حا أقول لك إيه عمرك
 ما حتقدر تفهمنى .
 كوثر : أنت تعبان يا رحى .. أنت لازم تاخذ إجازة زى
 ما بيقول توفيق .. بلاش المعاش وخذ إجازة ..
 العقل له حدود احتمال وأنت تعبت نفسك كثير .
 رحى : [يضحك ضحكة خافتة] : قصدك أنى اتجننت
 .. جاييز .. مين يعرف .. أنا عاذرك .. أنا كمان
 شايف انك اتجننت وشايف الدنيا كلها جنان فى
 جنان .
 توفيق : يا رحى اسمع الكلام .. أنت لازم تستريح .. أنا
 حا ألكملك واحد دكتور صاحبى كويس فى
 الأعصاب .
 رحى : أشكرك .. عارفه .. رحت له .
 توفيق : رحت له ؟
 رحى : لقيته مجنون زى وزيك .

كوثر

توفيق

رحى

توفيق

كوثر

رحى

كوثر

[تنظر فى ساعتها] : رحى .. أنت سهرت
 النهاردة أكثر من اللازم وضرورى تستريح .
 صحيح كفاية سهر النهاردة عشان أنت تعبان
 [يقوم متهيئا للخروج] وأنا ماشى بقى .
 إيه مستعجل ليه ؟ رايح فين ؟
 معلى : معلى : عشان تستريح شوية .. حاقوت عليك
 بكرة .. أول ما أخلص من الشغل .
 رحى : رحى ينظر إليه فى شروء .. توفيق يخرج
 وهو محزون مهموم مبلبل الذهن .. ويودعه
 الاثنان حتى الباب .. رحى مازال ينظر أمامه
 فى شروء .. كوثر تنظر إليه فى خوف .. رحى
 يتمشى فى الغرفة وهو سارح] .
 [مازالت تنظر إليه بخوف] : أجيب لك كباية
 لبن دافى .. أنت ما اتعشتش .
 طيب .
 [تخرج كوثر ويجلس رحى على المكتب ويفتح
 دوسيه به مئات الصفحات ويضىء لمبة المكتب ..
 ويطفىء النور الكبير ،، ويذهب فى القراءة .. ثم
 تدخل كوثر ويدها كوب اللبن الدافىء]
 أنت حاترجع تانى للدوسيهات دى .. مش قلنا

حاتستريح النهاردة ؟
رحمى : التعب هو دوايا .. هو المسكن اللى باخده كل يوم
عشان أنسى .
كوثر : تنسى ؟ تنسى إيه ؟
رحمى : أنسى نفسى .. لما باستريح كل حواسى بتصحى ..
وأشوف كل شىء بوضوح مؤلم رهيب .
كوثر : يارحمى أنت حاتموت نفسك بالأفكار دى .
رحمى : هو فين الموت ؟ الواحد يلاقيه فين ؟ ياريت الواحد
يقدر يموت زى ما بيطفى لمبة المكتب كده .
[يضغط على زر لمبة المكتب فتنتطفئ ويسود
الظلام تماما فى الغرفة .. تصرخ كوثر مذعورة]
شوفى الضلمة جميلة إزاي .. أهو الموت جميل كده .
كوثر : رحمى .. عملت كده ليه .. طفيت النور ليه ؟
رحمى : [فى الظلام] : إيه مالك خايقة كده ؟ هى دى
أول مرة نقعد لوحدها فى الضلمة .. أنت نسييتى
إناجنا متجوزين بقالنا عشرين سنة وكل ليلة بننام
لوحدها فى الضلمة .
كوثر : أنا مش خايقة من الضلمة .. أنا خايقة منك .
رحمى : خايقة منى ؟ فيه واحدة تخاف من جوزها اللى
معاشره وعارفاه ؟

إحنا عمرنا ما عرفنا بعض يا رحمى .
: صحيح .. صدقت فى الكلمة دى .. إحنا ساكنين
مع بعض بس .
: [تصرخ] : ولى النور يا رحمى أرجوك .
: وإيه لازمته ؟
[صوت خطوات]
: [فى رعب] : رحمى !
: شوفى الضلمة جميلة إزاي .. مافيهاش ولا كذبة
واحدة .. لو كان الواحد يقدر يمسح حياته زى ما
بيمسح الاضواء الكذابة دى كانت بقت حاجة
جميلة .. لو كنت أقدر أمسح صورته من قلبى .
: هو مين ؟
اللى بتحببه .
[صوت خطواته وهو مقبل عليها فى الظلام]
: [تصرخ] : رحمى ..
[يشعل رحمى النور الكبير .. ويكون فى تلك
اللحظة واقفاً بجوار الباب]
رحمى .. أرجوك .. أنا عملت إيه عشان تعذبني
العذاب ده كله وتعذب نفسك معايا .. لإمتى
حاتستمر فى الجنون ده [تبكى]

رحمى

: لغاية ما نموت .

كوثر

: أنت عاوز منى إيه .. بتعمل فيه كده ليه .. أنت

بتعاقبنى .. أنا عملت فيك حاجة ؟!

رحمى

: حياتنا كلها كذب فى كذب .. فيه جريمة أكبر من

كده .. خيانتك لى كل يوم .

كوثر

: [تصرخ] : أنت مجنون .. خنتك إمتى .. ومع

مين .. أنت بتعلم !

رحمى

: وأنت بتعلمى كمان .. حلم اليقظة الطويل الجميل

بين أحضانه .

كوثر

: أنت مجنون .. أنا مش ممكن أقعد معاك لحظة

واحدة .. أنا طهقت خليك .. اتجنن لوحديك .. أنا

سايبالك الدنيا .

[تهرول خارجة وتصفق الباب وهو واقف فى

مكانه لا يتحرك .. وينظر إلى الفراغ فى

شروده .. يمشى ببطء ثم يتهاك على المكتب ..

يطفئ النور الكبير ويضيء لمبة مكتب صغيرة

نورها خافت مظلل الغرفة فى إضاءة خافتة ..

يضع رأسه بين كتفيه] .

[موسيقى تأثيرية تزداد شدة وعنفًا لحظة بعد

أخرى تنشق أرض غرفة المكتب لتخرج منها

الحاجب

رحمى

هيئة محكمة كاملة من ثلاثة قضاة على

منصة .. وممثل اتهام .. ومحام وحاجب ..

وقفص اتهام .. وقفص الاتهام ليس به احد ..

ونلاحظ أن كوثر هى التى تلبس ثوب ممثل

الاتهام .. وأن توفيق هو المحامى .. كما نلاحظ

أن القضاة الثلاثة والحاجب يلبسون ملابس

المساجين وفى أيديهم وأرجلهم سلاسل ، وعلى

رأس كل واحد لبدة ونمرة نحاس والقضاة

يلبسون وشاح القضاء الأخضر ذا النجوم فوق

هذا الزى - إضاءة شديدة على المنصة والقفص

وعلى ممثل الاتهام والمحامى .. طول الوقت

رحمى يخفى رأسه بين كتفيه .. ولا يبدي حركة

تدل على أنه يقطن إلى ما يجرى .. الموسيقى

تزداد عنفًا ثم تسكت فجأة ليعلو عليها صوت

الحاجب منادياً المتهم] .

: [ينادى] : رحمى محمد سعودى .. [يعود

فيكرر الاسم بصوت مرتفع كالصاروخ] المتهم

رحمى محمد سعودى .

: [يجاوب وهو مازال يخفى رأسه بين كتفيه] :

أيوه أنا هـ .

[يرفع رأسه .. ولا يبدي اندهاشاً .. وكأنه يعرف ما يجري .. وكأنها ليست أول محكمة يحضرها .. ويقوم متهاكاً ويدخل قفص الاتهام .. صوت غلوشة وهمهمة]

[يندق المنصة بالشاكوش الخشبي] سكوت من فضلكم .

[ممثل الاتهام يقف ملوحاً بيده]

[في رى ممثل الاتهام] : هذا المتهم يا حضرات المستشارين .. هذا الرجل الذى يقف أمامكم فى استكانة ونلة وكأنه ملاك برىء هو مجرم أثيم مخضب اليدين بالدم .. قاتل سفاح قتل عمداً مع سبق الإصرار والترصد أعضاء هذه الهيئة الموقرة .. ففى صبيحة الأحد ١٥ مارس سنة ١٩٤٧ أصدر حكماً بالإعدام شنقاً على سيادة فضل الشرقاوى الذى يتصدر هذه المنصة .. وفى صبيحة

الثلاثاء ٢٠ أكتوبر سنة ١٩٤٨ أصدر حكماً بالإعدام على محمد قناوى ومحمود قناوى وسالم قناوى وسليم قناوى ..

[يشاور بيده على الضحايا واحداً واحداً حيث

القاضى

كوثر

يحتلون مقاعدهم من المحكمة] .

هذا عدا أحد عشر حكماً آخر بالإعدام تأجل النظر فيها لحين حضور المحكوم عليهم .. ستة عشر روحاً من البشر أزهقها هذا الرجل شنقاً دون أن يخلج له جفن .. كل روح لم تكن تعنى عنده أكثر من توقيع على دفتر .. وفعل ما هو أبشع من هذا كله .. وأبشع مما يفعله أى قاتل محترف .. كان يزهدق أرواح ضحاياها وهو مزهو فخور معتد وكأنه يقدم خدمة إنسانية .. فعل هذا بكامل قواه العقلية وبكامل وعيه ..

: اعترض من فضلك .. المتهم ينكر بشدة أنه كان يكامل قواه العقلية ، ويقرر أنه كان واقعاً تحت تأثير ..

[مقاطعاً] : دى حجة قديمة .

: واقع تحت تأثير إيه .. الحشيش .. والا الكوكايين .. : واقع تحت تأثير أشد من الحشيش والكوكايين والمخدرات كلها .. واقع تحت تأثير القانون الجارى ..

تحت تأثير العرف الاجتماعى .. وروح العصر .

: إيه القانون الجارى .. والعرف الاجتماعى .. وروح العصر .

الحامى

القاضى الشرفاوى

قاضى اليمين

الحامى

الشرقاوى

كوثر : دى كلمات مالهاس راس من ديل .. ثم القانون ده مش شىء جامد .. ليه ماطالبش بتطوير القانون إذا كان مش مقتنع بيه ؟

القاضى : أنا عاوز أسأل المتهم دلوقت بعد إذن الدفاع .. هل كان مقتنعاً بالقانون اللى بينفذه والا لا ؟

كوثر : [فى زى ممثل الاتهام] : المتهم يجيب .

[رحى ينظر فى ارتباك]

القاضى : [بعد السؤال] هل أنت مقتنع بالقانون اللى بتطبقه وإلا لا ؟ قول .. قول .. انطق .

رحمى : [فى ارتباك] : معرفش . [ضحك]

كوثر : [فى زى ممثل الاتهام يصرخ] : المتهم مش عارف حاجة دلوقت ومع ذلك ساعة ما كان هنا على هذه المنصة .. كان يعرف جيداً .. كان يعرف لدرجة اليقين والزهو والاعتداد والثقة .. كان يعرف لدرجة لا تقبل استثناء أو مراجعة .. كان يشنق متهماً بعد الآخر وكأنه يلهو بسلسلة مفاتيحه .

القاضى : [يعود إلى سؤال المتهم] : وإذا كنت مش عارف على حد قولك إزاي كنت بتوضع حيثيات أحكامك .

رحمى : [فى ارتباك] : أنا كنت باوضع حيثيات لان

المتبع إن كل حكم كانت تسبقه حيثيات .. العرف كان كده .

القاضى : وفيين دورك «كقاضى» .. إذا كان كل عملك هو مجارة العرف بدون عقل .. وبدون إدراك ؟

رحمى : معرفش .

القاضى : هل أنت مدرك أن التوصل من أفعالك لن يجديك .

رحمى : معرفش .

القاضى : [يقاطع] : بعد إذن القاضى .. أرجو لفت النظر إلى أن موكلى فى حالة عقلية غير طبيعية .

كوثر : [ممثل الاتهام يصرخ] : أرجو لفت نظر الدفاع إلى أن المتهم يتستر وراء ادعاء بعدم الكفاية العقلية .. على المحكمة ألا تسمح بهذا التلاعب .. إن هذا التلاعب معناه تلاعب بالعدالة .. وسخرية بهيئة المحكمة الموقرة التى تمثل هذه العدالة .

القاضى : [يدق على المنصة بشاكوش خشب] : الكلام فى مسألة الكفاية العقلية حايخرجنا من الموضوع فضلاً عن أن البت فى هذه المسألة من اختصاص الطبيب الشرعى .. فنرجو حصر استجوابنا اليوم فى الوقائع .. خلينا فى الوقائع من فضلكم .

[رحمى يرفع أصبعه طالباً الكلام]

رحمى : [فى ارتباك] : انا عاوز اقول -

القاضى : اتفضل .. عاوز تقول إيه ؟

رحمى : أنا وقت إصدارى أحكام الإعدام كنت أعتقد أن أحكام الإعدام حاتوضع حد لحياة أصحابها فتريحهم وتريحنا .

قاضى يمين : وأنت كنت عايز تخلص منهم ليه .. كانوا تابعينك فى إيه ؟

[ضحك]

رحمى : أنا ماكنتش عايز أتخلص منهم .. أنا ماليش مصلحة المجتمع هو صاحب المصلحة .

القاضى : إزاي بقى قَهْمْنِي ؟

رحمى : المجتمع هو صاحب المصلحة .. حاتبقى فيه عدالة وكل واحد حاتشعر بالاطمئنان لأن كل مجرم يقتص منه .

[ضحك الجميع]

القاضى : يعنى الحكاية حكاية انتقام وأنت ممثل الانتقام فى المجتمع - عضك الكلب تجرى وراه وتعضه .. تبقى كلب زيه [ضحك] هل تعلم أن العدالة حينما تنزل إلى مستوى المجرم وتتبنى أساليبه تنحط بنفسها وتفقد معناها الرفيع وتصبح

مجرمة مثله سواء بسواء .

رحمى : العرف الاجتماعى كان كده .. وأنا مش عايش لوحدى .. أنا عايش فى رأى عام .

القاضى الشمال : لكن أنت طليعة هذا الرأى العام ويوم ما حاتمشى الطلائع فى المؤخرة يبقى على الدنيا السلام .

رحمى : العدالة نسبية دايماً ومرتبطة بعصرها .

القاضى اليمين : بتقول العدالة نسبية .. طيب ليه تقطع قطع مطلق فى مصير إنسان وتعدمه « إعدام نهائى » ؟

رحمى : حا تعمل إيه ؟

القاضى : خطه فى الطور .. استفيد بيه بقطع حجارة .

رحمى : والرأى العام ..

القاضى : الرأى العام حاتمشى وراك .. وأنت القدوة .. مين بيحط الذوق القانونى للناس ؟

القاضى اليمين : .. مين ؟

رحمى : [فى ارتباك] : مين ؟

القاضى : رجل القانون اللى عنده ضمير .

رحمى : [يلتفت حوله باحثاً] : قين هو ده .. أنا عمرى ما شفته -

[ضجة وهمهمة فى القاعة]

القاضى : [ممثل الاتهام] نلفت نظر المحكمة إلى أن جريمة

المتهم اكبر من مجرد سوء فهم لنصوص القانون..
ذلك الرجل كان يصدر أحكامه بدافع من الكراهية
والحقد لا بدافع من الحرص على العدالة.. إن هذا
الرجل الخسيس يكره الإنسان فى أعماق ضميره .
: أنا لا أفهم معنى لترديد هذه التهم الجرافية أمثال
هذا الرجل يكره الإنسان .. هذا الرجل عدو
العدالة.. يعنى إيه .. دى كلمات مطاطة وتهم
مائعة.. ممكن تقال لكل واحد .. أنا عايز وقائع -
وقائع .

المحامى

: [ممثل الاتهام يتجه إلى المتهم بقسوة] : أنا
أطلب من المتهم الاعتراف بصراحة بحقيقة
الكراهية التى تسود بيته .. بحقيقة العداء والحقد
الذى يخيم على حياته ..

كوثر

: [فى دعر] : دى مشاعر خاصة .. وليس من
حق المحكمة أن تنتهك المشاعر الخاصة لأى إنسان.
: الكلام ده تقوله فى محاكمكم .. المحكمة دى شأنها
الأول واختصاصها - وقائع الشعور - وقائع
الضمير .. إحنا هنا بنفتش عن الحقيقة جوا القلب..
ماتهمناش الاحراز اللى يظبطها البوليس فى
دولاب المتهم .. احنا هنا غمايتنا التفتيش جوه

رحمى

القاضى

قلبك.. جوا ضميرك .. جوا روحك .

: [يشعر بشعور رجل مأمور بأن يخلع عريانا
.. يصرخ فى رعب .. وفى صوت باك] : مش
معقول .. دا ظلم .. حرام .. حرام .. ربنا ما
يرضاش بكده .. ربنا ما يرضاش بكده .
[ينهار داخل قفصه]

: تستطيع أن توفر على نفسك مهانة التفتيش بأنك
تعترف .

القاضى

: [ينهار فى قفصه يتلوى من الألم] : مش
معقول.. حرام .

رحمى

: [ممثل الاتهام] : وهكذا ترون يا حضرات
المستشارين كيف يتلوى المتهم من العار والخزى
حينما يستشعر بأن الكراهية الزرقاء التى يطفح
بها قلبه توشك أن تنكشف .. إنه لا يجد الجرأة
لأن يراها بنفسه .. لا يستطيع أن يفتح عينيه على
بشاعة حقيقته .

كوثر

: [بصوت باك] مش معقول .. حرام .. حرام ..
مش معقول يطلب من إنسان أن يعرض نفسه
عريان بدون ملابس .. بدون جلد .. بدون لحم ..
حرام .

رحمى

ممثل الاتهام : [بقسوة] : للمرة الأخيرة أطلب من المتهم الاعتراف بحقيقة الكراهية التي يخفيها بحقيقة الشك والغيرة والحسد والبغض والحقد .

رحمى : [يصرخ وهو يبكي] : حرام .. [يصرخ مستنجداً] أمى .. أمى .. أمى .

ممثل الاتهام : [بقسوة] : وما هو قد عاد طفلاً ينادى على أمه .. رحمى : [يصرخ وهو مازال يبكي وينتفض] : أمى .. أمى !

[ينفث باب وتدخل أم رحمى الغرفة تتلفت باحثة عن ابنها من الواضح أنها لا ترى هذه المحاكمة ولا تلقى بالا إلى أحد من الموجودين فيها - وإنما تسرع إلى ابنها وتحضنه] .

رحمى : أمى .. أنت فين يأمى .. [يشاور لها على المحكمة والمنصة والقضاة والمحامي والحاجب .. ولكنها تتبع إصبعه ولا ترى شيئاً] .

أم رحمى : إيه يا ابنى .. فيه إيه .. بتشاور على إيه ؟ رحمى : على الناس دول .. مش شايغهم يا أمى ؟

أم رحمى : ناس مين يا بنى .. مافيش حد غيرنا .. مالك يا حبيبى بسم الله الرحمن الرحيم .

[القضاة والمحامي والحاجب وممثل الاتهام

مازالوا يحملقون فى رحمى .. الضوء الشديد قد انتقل إلى وجه الأم والابن وباقي المحكمة فى ضوء خافت] .

ممثـل شـايـفة النـاس دـول ؟ : أبداً يا حبيبى مفيش حد .. أنت لازم بيتهيا لك .

[رحمى فى تلك اللحظة يكون جالساً على باب قفصه يتحسس القضبان .. ويحاول أن يتصور أنها قضبان وهمية فى قفص وهمى لا وجود له كل ما يحدث فيه حلم فى حلم .. وهو لا يستطيع أن يصارح أمه بحقيقة مشاعره .. ولكنه يتشبث بها .. ويتعلق بها كالطفل الرضيع] .

ممثـل الاتهام يشير بإصبعه فى سخرية : [لقد عاد الرجل السفاح طفلاً يحبو على صدر أمه .

رحمى يسد أذنيه حتى لا يسمع .. ويخفى رأسه فى كفه حتى لا يرى] .

وإيه اللى مقعدك على الأرض كده يابنى ؟ : [رحمى مازال يسد أذنيه حتى لا يسمع ولا يرى .. ويرفع رأسه أخيراً ويمسك بأمه هاتفاً] .

أمى .. ربنا موجود فى الدنيا يا أمى ؟ : [طبعاً يابنى ربنا موجود فى كل الوجود .. وهو

أرحم الراحمين .

: طيب ليه مش بيرحمنى [يضع رأسه على

رحمى

صدرها ويبكى] ليه مش بيرحمنى ؟

الفصل الثانى

: [رحمى فى غرفة مكتبه يروح ويجيء فى

خطوات سريعة قلقة وهو يعصر رأسه بيده ..

توفيق واقف بالباب]

: أنت جرى لك إيه يا رحمى .. أنت عملت إيه فى

مراتك ؟

« توفيق »

: [يرفع رأسه] : هى راحت لك ؟

« رحمى »

: [مقبلا عليه] : أنت جرى لعقلك إيه ؟

« توفيق »

: [فى نغمة ذات معنى] : هى راحت لك زى كل

« رحمى »

مرة [يمسك به ويهزه] قالت لك إيه .. قل لى ..

قالت لك إيه [فى لهفة وقلق] وراحت لك ليه ؟

وليه كل مرة ماتلاقيش غيرك تروح له .. هى

متجوزاك والا متجوزانى ؟ أنا عارف اللى

بينكو .. أنا عارف ..

: أنت حاتخلينى أصدق اللى بيقلولوه الناس ..

« توفيق »

حاتخلينى أقولك إنك اتجنتت .

: أنا متجنتتش .. أنا عارف إنك بتحسبها وإنها

« رحمى »

بتحبك .. أنا عايش بتفرج عليكم طول السنين دى .

توفيق

: رحمى !!

رحمى

: ليه راحت لك .. قل لى ..

توفيق

: عشان مش لاقياك .. عشان مش لاقية حد تكلمه .

رحمى

: وأنت الوحيد اللي بتلاقيك .. أنت الوحيد اللي

بتقدر تكلمه .. أنت .. أنت .. دائماً .. وأنا .. وأنا

فين ؟

توفيق

: أنت عمرك ما حاولت تفهمها .. عمرك ما قعدت

معاها قد ما بتقعد مع دوسيه مرمى على مكتبك .

رحمى

: [وهو يصرخ ويشير بإصبعه فى استنكار] :

أنت توفيق اللي بتقول الكلام ده ؟

توفيق

: أنت غلطان يا رحمى ولازم أقولك على الحقيقة .

رحمى

: [يصرخ] : وليه متقوليش على الحقيقة كلها ..

ليه ما تقولش إنك بتحبها .. وإنك حرصتها ..

وأغويتها .

توفيق

: [فى كبرياء] : رحمى -

رحمى

: أأتمنتك على بيتى .. سلمتك حياتى ووثقت بيك

[فى ياس] والنهية ..

توفيق

: رحمى أنت اتجننت .

رحمى

: أنا عقلت .. فتحت - أنا شفت كل حاجة على

حقيقتها [ينظر إليه فى غل] لكن مش حاسيها

لك لقمة سهلة دى مراتى .. ملكى .. حاجيها

رحمى

رحمى

توفيق

رحمى

توفيق

رحمى

غضب عنها بالقانون .. حطليها فى الطاعة .

: أنت بقالك عشرين سنة مقعدها معاك بالقانون

بتحاول تملكها بالقانون .. عملت إيه بالقانون

بتاعك يا مجنون ..

: طبعاً .. القانون عند الواحد زيك جنون .. واحد

زيك بيدخل بيوت الناس عشان يسرقها .

: [فى كبرياء مجروح] : أنا مش حا ادافع عن

نفسى .. مش حاقولك أد إيه أنت غلطت فى حقى

لأنك غلطت فى حق نفسك أكثر .. حرمت نفسك

من أكبر نعمة فى الدنيا .. من نعمة الحب .. وبنيت

حياتك على وهم اسمه القانون .

: الحب - عملتوا إيه أنتو بالحب ؟ كذبتوا علينا

باسم الحب .. صورتموا لنا وهم أكبر من كل وهم

: [فى إشفاق] : وأنت عملت إيه بالقانون ؟ فى

النهاية بتشك فى القانون .. وتشك فى الناس ..

وتشك فى الحياة .

: [ينفجر] : لانى عرفت اليأس .. علمتونى

اليأس .. علمتونى إنى أكره [يصرخ] أكره أكره ..

كرهت نفسى .. كرهت حياتى .. كرهت الدنيا ..

الستين الطويلة وأنتو قاعدين تبصوا لبعض وأنا

باتفرج [يغطي عينيه] .

توفيق

: مش معقول .. مش قادر اصدق ان خيالك المجنون
يصور لك كل ده .. [يقترب منه فى إشفاق] .

رحمى

: كنت عايز أهرب من الدنيا .. وأعيش فى منفى
" وحيد " ماشفش حد .. كنت عايز أنزل فى جب
تحت الأرض واستخيا .. [يهزه فى غل] كنت ..
عايز أقتلك .. وأقتلها .. وأقتل نفسى .. [يتركه
ويسرح لحظة] وبعدين بقيت أقول لنفسى ..
وأقتلها ليه ؟! ولية أحرك إيدى وأحمس لاي
عمل ؟! ولية أغضب ؟! ولية أثور ومفيش حاجة
تستحق أن أغضب وأثور ؟! كل شيء بيحيله ساعة
وينتهى .. كل شيء بيموت .. أنت حاتموت وحبك
حايमत وهى حاتموت .. وأنا حاتموت .. إيه الداعى
للعجلة .. السم فى الكأس اللي بنشريه كلنا .

توفيق

رحمى

: دلوقت عرفت قد إيه كوتر اتعذبت معاك ؟
أنا اللي اتعذبت .. وأنتم اللي عذبتونى لأنكم
عيشتونى فى كذبة .. كذبة طويلة .. مالهاش نهاية
.. أنا كنت عايش فى كذبة .. أنت معاك حق .. كل
شيء اتهدم قدام عيني .. كل شيء أصبح مشكوك
فيه .. [تاخذه نوبة جنون] كل الدوسيهات دى
كذب فى كذب [يبعثر الدوسيهات من على المكتب
ويمزقها واحداً بعد الآخر] كل الاحكام دى كذب ..

مفيش قانون .. مفيش عقل .. مفيش نظام .. مفيش
حرمة لاي شيء .. اللي بيقتل فيه قانون يعاقبه ..
لكن اللي بيحب ويقتل واللى بيحب وينتقم مفيش
مواذ تطبق عليه .. اللي بيحب ويخرب ويخرب
قلوب ويهدم عقول وبيوت مفيش نصوص تعاقبه ..
الحب ؟ هو إيه عايز أفهم .. تقدر تفهمنى يعنى إيه
الحب ؟! إيه هو التكييف القانونى لكلمة الحب ؟

رحمى :

: أنا رجل قانون .. أنا مش شاعر . [يبدو فى
عينيهِ الجنون]

رحمى :

: [وهو يتذكر] : يبقى كلامهم فى محله .

هما مين :

: هما اللي بيقولوا إن احنا لازم نكتب القانون من
جديد نكتبه كلمة كلمة من جديد .

هما مين اللي يقولوا كده ؟

: اللي بيعذبونى .. اللي حطوا إيديا فى الحديد ..
المجرمين .

رحمى :

: لكن أنا برئ .. برئ .. أما ماليش ذنب .

: أنت بتتخيل حاجات مالهاش لزوم يارحمى ..

توفيق

رحمى

توفيق

رحمى

توفيق

رحمى

توفيق

رحمى

توفيق

رحمى

توفيق

ما فيش أى حاجة بينسى وبين مراتك أقسم لك ..
أقسم لك ..

كذب .. كذب .. كل شيء كذب ..

[يهزه] : فوق لنفسك يارحمى .. أنت عايش فى
وهم .. أنت ظلمت نفسك وظلمتنا معاك ..

: أنا ما ظلمتش حد .. أنا متهم زى زيكو .. فى إيدى
الحديد أموه [يلوح بيديه كأنهما مغلولتان] ..

: حديد إيه ؟

: حاقولك إيه مش ممكن تقدر تفهم .. أنت معذور أنا

كنت زيك وأنا قاعد أحكم على المتهمين من فوق
منصة القاضى .. عمري ما قدرت أفهم لكن
دلوقتى وأنا فى القفص .. فهمت [يطرق إلى
الأرض مردفاً] فهمت ..

: فهمت إيه وقفص إيه ؟

: بعدين حاقولك .. بعد الجلسة .. لما ينطقوا بالحكم ..
حاقولك كل حاجة ..

جلسة إيه .. وحكم إيه .. [يشيح بيديه فى يأس
وقد آمن أخيراً أنه يواجه رجلاً مجنوناً] يبقى مى
كان عندها حق .. كانت عايشه وحيدة طول عمرها
فعلاً [ينظر إلى رحمى ثم يتجه إلى باب
الخروج] ..

رحمى

توفيق

رحمى

توفيق

رحمى

توفيق

رحمى

توفيق

..

توفيق

رحمى

: رايح فين يا توفيق ؟

: [فى يأس] حاستنى بره على ما تخلص الجلسة ..

[يخرج] ..

[تسمع خطواته وهي تبتعد رويدا رويدا ..

رحمى يروح ويجيء فى غرفته .. ويبدأ

الحديث مع نفسه هامساً ثم يرتفع صوته

تدريجياً حتى يصيح صياحاً معولاً] ..

: [فى همس] : كانت عايشة طول عمرها وحيدة

جدا .. وأنا أنا .. [يتجه إلى الجدار] أنا اللي كنت

بيخط على الجدران محدش بيسمعنى [يخط على

الجدار بكلتا يديه فى جنون مغمغماً فى صوت

معول] قلبى اللي كان بيخط فوق ضلوعى ..

محدش بيرد عليه .. حتى دموعى كانت بتتججر ما

تسعينش .. حتى لسانى الآخرس مكانش بيلاقى

الكلام اللي يقوله .. أنا القاضى الأنانى .. [يخط

على الجدار] الحنان كان بيطلع منى قسوة ..

الحب كان بيطلع منى كراهية .. كنت زى الطفل

الى عنده عاهة فى الكلام .. مكتتش باعرف أتكلم ..

كنت وحيد وحدة الجنون .. كنت باصرخ ..

[يخط على الجدار وهو يصرخ .. يجيء صوت

أمة متهدجاً حزيناً من الخارج .. تدخل الأم من

اليمين] ..

الأم : مالك يا بنى .
رحمى : محدش كان بيسمعنى غير أمى .
[أم رحمى تفتح وتدخل تحمل سجادة الصلاة تحت إبطها] .
الأم : مالك يا بنى عايز إيه ؟ [تدخل عليه فى حنان وتحضنه ويحيطها بذراعيه] .
الأم : مالك !
رحمى : عايزك تدعيلى يا أمى .. عايزك تدعى لابنك الغلبان .
الأم : ربنا يجعل لك فى كل خطوة سلامة يابنى .. ربنا يقدم لك الطيب .. ويوقف لك ولاد الحلال .
رحمى : مايقاش فيه ولاد حلال يا أمى .
الأم : ولاد الحلال كتير يابنى .. الخير لسه فى الدنيا .
رحمى : فين الخير سكتة منين ؟
الأم : سكتة سكة المؤمنين يابنى .. ربنا بينور للمؤمنين طريقهم وقلب المؤمن دليله وكل المؤمنين على نور .
رحمى : [فى ياس] : المؤمنين !!
[ترجع الأم بوجهها إلى الصلاة] .
الأم : أنا فى كل صلاة بادعيلك يابنى .
[تذهب إلى ركن فى المسرح وتبسط سجادتها]
بادعى لك أن ربنا يفتح لك الباب . [تبدأ فى

رحمى

رحمى

رحمى

الصلاة فلا تسمع صلاتها ولكننا نرى تمتمة شفيتها وحركات يديها والأنوار الكاشفة تتجمع لتضىء جسمها وهى تصلى فى حين يغرق باقى المسرح فى الظلمة .. ونسمع صوت رحمى] .
وامتى حابفتح الباب ؟
[تخفت الأنوار الكاشفة على الأم ثم تنطفئ فى حين تضىء بقعة على الأرض أمام رحمى حيث تنشق الأرض وتخرج كوثر فى ثياب نوم مفهافة تكشف صدرها وذراعيها وعلى كتفها وشاح رقيق شفاف يطير كأنه جناحان .. ويتهدل شعرها المصفف فى أنيقة .. البدرة والأحمر والروح والكحل فى تواليت كامل على وجهها المضىء الحلو .. تبدو شبيهة بتفاحة آدم] .
[يشهق فى انفعال] : كوثر !!
[يتقدم رحمى محاولا الإمساك بكوثر ويلف حولها ويده على كتفها اليمنى بعد انتهاء الحركة تضحك كوثر - يتركها رحمى . لا تبدو كوثر أنها تسمعه .. وإنما هى تتطلع بعينها إلى آفاق بعيدة وترفرف بذراعيها كأنها تطير] .
[فى انفعال أشد] : كوثر !! [يمد يده حتى يلمس وشاحها ثم يصرخ] : كوثر ! [يحدث

نفسه فى ياس [مش بتسمعنى [بنغمة باكية]
 مش بتسمعنى عينها سرحانين .. بتضحك [ينزل
 رحمى من امام المكتب فترفع كوثر يدها الى اعلى
 فيتقدم رحمى ويجذبها من يدها [بتضحك لمن ..
 بتفكر فى مين .. مادة ايديها الاتنين لمن .. مش
 لى .. دى مش شايفانى .. مادة ايديها لواحد تانى
 [تتقدم كوثر بحركة راقصة تحتضن شيئاً
 ما] .. له هو .. للسارق الى سرقها منى [فى ألم
 وهو ينطق بالاسم [توفيق .

كوثر

[تهتف فى حنان [توفيق !
 [تستدير كوثر .. يتراجع رحمى فى زعر ..
 يتلفت حوله كأنه يتوقع أن يظهر توفيق ولكن
 لا أحد هناك سواء هو وكوثر [.

كوثر

[فى حنان أكثر وهى تمد يدها .. وينزل رحمى الى
 كوثر ويحتضنها ويلف بها [: توفيق .. حبيبى
 [تركع كوثر] أنا ماليش حد غيرك فى الدنيا أنا
 انتهيت .. أنا مابقيلش بيت أعيش فيه .. أنا عايشة
 مع راجل مجنون .. مجنون .. رحمى اتجنن يا
 توفيق .. كان حايقتلنى .. فقد عقله خلاص .

رحمى

[فى استنكار] : مش ممكن .. مش ممكن [يتركها
 رحمى [دى جريمة .. حرام .. حرام .. ده غلط .

كوثر

رحمى

كوثر

رحمى

كوثر

رحمى

[تكلمه كأنه توفيق] : الحياة كلها غلط فى غل ..
 أنا بقالى عشرين سنة عايشة فى الغلط .. لو كنت
 بتحببى مكتتش فكرت فى الصح ولا فى الغلط ..
 ماكتتش حتى عرفت الصح من الغلط [تقف كوثر
 وتحتضن رحمى وتلف به [أنت ماجربتش
 الحب والياس يا توفيق .

[فى استنكار] .. لكن ده جنون !
 [ترجع بظهرها] : أرجوك سيبنى أتجنن .. من
 حقى أنى أتجنن بعد كل اللى شفته [تقبل يد
 رحمى فى ذلة وكأنه توفيق [الجنون هو أملى
 الوحيد فى الحياة .

[فى ألم شنيع] لكن فيه واحد بيتعذب .. فيه
 واحد بيتعذب بينكم .

[تتخطى المسرح] : مفيش حد بيتعذب غيرى ..
 هو استريح .. فقد عقله .. قطع صلته بكل العالم ..
 معدش دارى بحاجة .. أنا اللى عايشة باشوف
 موتى البطء بعينيه .

[كوثر ! [موسيقى] .

توفيق .. حبيبى أنت آخر أمل لى [تنظر الى
 رحمى بانفعال بالغ .. تلقى بنفسها بين ذراعيه ..
 تدفن رأسها فى صدره .. لحظة صمت .. تبكى

كالطفلة على صدره وتغمغم في حرارة [يا حبيبي.. يا حبيبي [تصعد كوثر مع حركة يده حتى تصبح في مواجهته وتنام على رجليه . [موسيقى راقصة حاملة]
[ترفع رأسها من بين ذراعيه .. تتلفت حولها وهي نشوانة .. وتنفلت منه في رقة .. تأخذ في التجوال وحدها بين قطع الأثاث تتفحصها حاملة .. يظهر من كلامها أنها تتخيل أنها في بيت توفيق .. وتتأمل قطع الأثاث فيه !]

كوثر

: طول عمرى كنت باتخيل البيت الذى أنت عايش فيه والأوضة التى بتنام فيها [تضحك كوثر وتنفلت منه حتى تصل أمام المكتب وتركع وتمسك بأحد الكراسى] كل كرسى من دول كنت بانفضه كل يوم فى خيالى [تلمس الأثاث] العفش ده أصبح عفشى من كتر ما فكرت فيه .. أنت مالكش حاجة هنا .. كل حاجة هنا بتاعتى .. أنا التى تعبت فيها .. [تذهب إلى الشماعة] الشماعة دى كنت دايماً بالحلم بيها وكنت أول ما أخش أدور عليها علشان أعلق الشال بتاعى [تمد يدها فى آلية وتخلع الشال الذى تلبسه وتعلقه على الشماعة .. قميص النوم نصف العريان يكشف الآن مفاتن

جسمها الناضج الأنثوى .. دائرة من الضوء تلاحقها فى كل تحركاتها وتضيء جسمها المغرى .. تقف وسط الغرفة تتلفت كالطفلة [بيتيها لى أنا واقفة دلوقتى أن كل العمر اللى فات ما كانش حقيقى [موسيقى] بيتيها لى إنى كنت نعسانة وبفتح عينى لأول مرة - وانى حقوم البس فوطه المطبخ وأروح وأجهز لك الأكل - مش معقول أنا هنا من ربع ساعة بس .. أنا هنا من يوم ما اتولدت [تنظر إلى رحمى فى شغف وتهمس فى حرارة] توفيق ..[تهرع إليه وتلقى بنفسها على صدره].

رحمى

: [يصرخ وهو يبعدها فى زعر] : مش معقول .. أنت مش شايقة .. أنت مش شايقة ..
: [تعود لتحتضنه] : أنا مش شايقة أى أحد غيرك يا حبيبي ..

كوثر

[رحمى يمسكها من عنقها]
: أنت مجنونة .

رحمى

[تحتضنه كوثر وتلف به]
: أنا مجنونة - وعازية أعيش مجنونة على طول .. أرجوك بلاش تعقلنى .. أرجوك .

كوثر

: [يبعدها فى خشونة] : لكن ده فطيع [فى

رحمى

صراخ [فظيع] ينهار على أحد الكراسي النور
على كوثر بينما هو فى الظلام [وأنا وأنا
ماليش وجود ؟!] يتحسس جسده [أنا !

كوثر

[تتحسس فى حنان] : توفيق !

رحمى

[يصرخ] : أنا مش توفيق .. أنا مش توفيق .. أنا

رحمى اللى بيكلمك .. رحمى [يصرخ] رحمى ..

رحمى .

: توفيق ..

كوثر

: ده جنون .. جنون .. [ويهجم عليها]

رحمى

[مازالت تهمس] : توفيق .. توفيق .

كوثر

[يكممها بيديه فى خشونة ويكتم نفسها]

رحمى

اسكتى .. اسكتى .. أنا باكره صوتك .. باكرهك ..

باكرهك .. باكرهك .. وحاقتك .. وحاقتك ..

رحمى

[يخف الضوء تدريجياً من على كوثر .. ونراها

تدزل فى شق الأرض وتختفى فى حين يلمع

الضوء على رحمى الذى يقف مشدوهاً يكمم

بيديه الهواء ويتمتم كالمصعوق وهو يتلفت

حوله وينادى]

: كوثر - كوثر [فى يأس وصوته باك تظهر الأم

رحمى

من اليمين] كوثر .. أنت فى رحمتى فى .. رحمتى

فسين .. أنا .. أنا .. أنا قلت إيه .. أنا قلت إني

باكرهك .. دايماً باقول إني باكرهك لكن أنا [يبكى]

أنا باحبك .. ليه ما بعرفشى أقولها إلا فى السر ..

كوثر .. كوثر .. مدى لى إيدك .. أنا ياغرق فى

عالم كله ضلمة .. ضلمة .. حموت وحيد - يتيم

من غير أمل .. حاموت من غير ما أقولك اللى فى

قلبي .

[موسيقى جنازية .. الأضواء الكاشفة تضيء

الأم وهي تصلى وترفع يدها بالدعاء وتحرك

شفتيها ونحن لا نسمع صوتها ولكننا نرى

وجهها الهادئ المطمئن ويدها المرفوعتين

بالعبادة وشفتيها المرتعشتين بالصلاة ..

رحمى يتجه نحوها وينظر إلى وجهها الهادئ

فى دهشة ويقول بحسرة] .

: ليه ما باقدرش أصلى زى أمى ما بتصلى .. أمى

وجهها هادئ .. هادئ .. حتقابل الموت بوجه

هادئ .. وأنا باقابل الحياة وأنا أرتجف .. بشوفها

والبيت فاضى عليها زى الخرابة وهى قاعدة

لوحدها تقول لى .. الدنيا ونس يابنى .. بادور فى

البيت .. فىن الونس ؟! بيتهيا لى فيه ناس قاعدين

معاهما بيونسوها ما بلاقيش حد [ينظر إليها

وهي تتمتم بشفتيها] مجنونة .. مجنونة .. بتكلم

نفسها.. بتكلم مين دلوقت [بصوت مرتفع
وبدهشة] بتكلمى مين يا أمى [يصرخ مرتاعاً]
مين معانا .. مين معانا .

رحمى : [وهو يتلفت حوله فى الغرفة الخالية] : احنا
لوحدنا لوحدنا مافيش حد معانا .. أنا هنا فى
الأوضة لوحدى مافيش حد معانا [موسيقى
تصويرية] .

[صوت الموسيقى يرتفع رويداً رويداً حتى
يصبح ضجيجاً يصك الأذان ثم يسكت دفعة
واحدة حين يلوح رحمى بيديه فى يأس
ليسكت ذلك الضجيج المدوى بداخله .. تلى ذلك
موسيقى رقيقة حزينة .. نأى .. باك معول]

رحمى : [فى شرود] : من زمان واحنا هنا لوحدنا ..
بنسلى بعض بالحكايات ونصبر بعض بالامانى
الحلوة .. ونضحك .

[ضحكات مسجلة على شريط ركوردر تبدأ
واضحة ثم تدار بسرعة على الخلفية الموسيقية
للنأى الحزين فتبدو ضحكات كاركاتورية
عجيبة] .

بنضحك على إيه ؟

بنعيش فى الخوف ..

خافين من إيه ؟ [يذهب ناحية الباب وضع أذنه
على الباب]

فيه حد بيتجسس علينا ..

فيه حد حاطط ودنه على خرم الباب ..

فيه حد حاطط ودنه على قلوبنا ..

بيسمع دبة النملة جوا قلوبنا ..

رحمى : [بصوت كله أسى] : مفضوحين مفضوحين .

أمى كانت دايماً دايماً دعيالنا بالستر .. فين الستر -

احنا مفضوحين - دى مش حياة [يصرخ] دى

فضيحة .. أودى وشى قين ؟

نفسى فى لحظة حلوة أعيشها فى السر من ورا كل

الدنيا .. بعيد عن نور النهار ..

لحظة واحدة أعيشها من غير بطاقة شخصية .. من

غير اسم .. من غير عنوان .. من غير نمره فى

الدليل .. من غير دوسيه .. لحظة أحب فيها وأكره

من غير عيتين واسعين يفضحونى .

لحظة اتكلم فيها من غير واحد تانى على الخط

بيسمعنى .

لحظة واحدة أعيشها من غير خوف .. الخوف

قطيع .. قطيع .

ساعات الانتظار طويلة .

رحمى

رحمى

رحمى

انتظار النهاية ..

أنا تعبت من الانتظار ..

عائز أعرف إيه النهاية ..

إيه نهاية ده كله ..

مش قادر أتعذب أكثر من كده .. مش قادر أنتظر

[تجحظ عيناه ويهمس بصوت مبجوح] : حستعجل

النهاية .. مش حانتظر ولا لحظة بعد كده .

[يفتح أحد أدراج المكتب في عجلة وارتياب وهو

يتلفت حوله ويخرج مسدساً ملفوفاً في قطعة

قماش يقلب المسدس] أخيراً [يقلب أمام عينيه

في فرح حيواني .. يفتح المسدس .. ويخرج

الرصاصات ويتأكد منها ثم يعيدها إلى مكانها..

يداه ترتجفان عيناه جاحظتان .. يضع المسدس

على صدغه]

طلقة واحدة وأخرج منها خروجاً ابدياً [تتسع

عيناه من الذعر] لكن حاضرج أروح فين [يعيد

المسدس إلى مكانه بالدرج وهو مازال يرتجف

ويهمس [حاضرج أروح .. أروح فين .. مين رجع

بعد الموت يقول لنا راح فين ؟

مفيش فائدة .. مفيش حل .. لازم حاقعد هنا للأخر..

لآخر الجلسة - لآخر المحكمة .. آخر ورقة في ملف

التحقيق [يلقي برأسه على المكتب في استسلام

واسترخاء ويغمض عينيه] .

يخفت الضوء على المسرح رويداً رويداً .. ونسمع

صوتاً يهتف (محكمة) .. وتنشق أرض الغرفة

لتخرج منها هيئة المحكمة التي رأيناها في الفصل

الأول بنفس ملابس السجن التي ظهرت بها ..

تظهر كل شخصية منها في حالة من الضوء التام [

[ينادى] : رحى سعودى [لا أحد يجيب ..

يعود إلى المناداة بصوت عصبى حاد يصك

الأسماع] : المتهم رحى سعودى ..

[يرفع رأسه ويجيب في تبجح وعصبية]

مش موجود .. [يصرخ في تحد] مش موجود

[كل أعضاء المحكمة يشيرون بأصابعهم إليه -

يتقدم الحاجب ويمسك به من كتفه ويسحبه

إلى قفص الاتهام حيث يلقي به] .

[فى زى ممثل الاتهام .. يتركز عليها النور

ويخفت على الوجود الأخرى] . المتهم ينكر

نفسه.. المتهم وصل به الإجماع إنه ينكر وجوده .

[يهب واقفاً فى تحد] : أنا حر فى إنكار ما لا

يعجبنى .. [يضحك المستشارون .. ويتمايل كل

واحد على الآخر وهو يضحك وتنتقل ضحكاتهم

الحاجب

رحى

مترتر

رحى

حتى تشمل هيئة المحكمة كلهم]
القاضي الشرقاوى : حر .. ؟ [يضحك] حر إزاي بقى .. أمال القفص

ده إيه ؟

رحمى : أنا أنكر شرعية المحاكمة دى كلها .

الشرقاوى : تنكرها بصفتك إيه ؟

رحمى : بصفتى رجل قانون .

[يعود المستشارون إلى الضحك]

القاضي الشرقاوى : [فى سخوية] : رجل قانون [يضحك] أنت

مجرم يابنى .. أنت معتقل .. أنت مطلوب إعدامك .

رحمى : [فى حدة] أنا متنازل عن الحياة اللي عايزين

تعدموها .. مش عايزها خدوها .. أنا شايف أنها ما

تساويش حتى أجرة الدفاع عنها .. ما فيش لازمة

تتعربوا نفسكو فى محاكمة وشهود ومحاضر

وجلسات .. أنا متنازل .. ومستعد لرد كل المكاسب

اللى كسبتها فى الحياة التافهة دى .. بما فى ذلك

العدالة المقدسة اللى بتمثلوها .. [يصرخ] طظ

فيكم كلكم ، وظ في الدنيا بتاعتكم .

[تنفجر المحكمة فى ضحك مجلجل متصل] .

رحمى : [يصرخ] : أنا حاموت فى الوقت اللى أنا عايزه .

[الشرقاوى يضحك والمستشارون يضحكون]

رحمى : [يصرخ] : أنا حاموت فى الوقت اللى أنا عايزه .

[يحاول أن يخنق نفسه فى القفص .. يهجم

عليه الحاجب] .

[تملأ على كاتب الجلسة بصوت جوهري]

جريمة شروع فى قتل .. اكتب عندك فى المضبطة ..

التهمة شرع فى قتل نفسه .. وبذلك تصبح عدد

جرائمه ١٧ جريمة قتل .

[يصرخ باكيا] : أنا حر فى نفسى .. أنا حر فى

حياتى .. أنا مش عايز أعيش .. أنتو مالكو .. ده

حقى .

الحياة من شأن الله وحده هو الذى يعطيها وهو

الذى يأخذها .

[يسقط على ركبتيه] : يارب ارحمنى .

اليوم يسقط المجرم على ركبتيه طالباً من الله

الرحمة .. وبالأمس كان يمشى معتداً جباراً لا

يرحم .

هو أنتو حاتحاسبونى عايزين منى إيه ؟

عايزين تعلمك العدالة ؟

أنا استقلت خلاص .. سبت كرسى العدالة ..

نفضت أيديا من العدالة .

وأفعالك ؟ [يكشف عن ذراعيه اللتين مازالتا

مقيدين بالسلاسل ويلوح بهما فى وجه

رحمى [نفضت إيدك من أفعالك .. وهل فى إمكانك
الاستقالة من أفعالك .. والانفصال عن ماضيك ..
والدم اللئى سيفكته ؟

رحمى [يصيح] : الماضى أنتهى خلاص .. أنا استقلت ..
أنا على المعاش .. محدش له عندى حاجة أنا
حابتدى من جديد .. حافتح صفحة جديدة من
حياتى .

الشرقاوى : الماضى ما انتهاش .. الماضى عايش معاك ..
الماضى هنا منتظر خارج المحكمة .. تحب نستدعى
لك الماضى [يخطب بالشاكوش الخشبى على
المنصة ويصيح] الحاجب ينادى على الماضى .
[صدى الصوت يدوى فى أرجاء المحكمة :
الحاجب ينادى على الماضى]

الحاجب [ينادى من ورقة فى يده] : المجنى عليه وديع
بشائى .. المجنى عليه جرجس بشائى .. المجنى عليه
راغب بشائى [تنشق الأرض ويخرج منها
المجنى عليهم بملابس السجن والقيود فى
أيديهم .. وحول كل منهم هالة الضوء ..
الحاجب يستمر فى استدعاء الأسماء بصوت
أكثر شدة] سليم أبو الغيط .. سالم أبو الغيط ..
محمد أبو الغيط .. رضوان أبو الغيط [يخرجون

من الأرض فى لحظة مناداة أسمائهم] عم
بيومى .. أنيسة العاملة .. شفيقة البنهاوية .. أم
لواظ .

[المسرح الآن ممتلئ بالوجوه والأشخاص
وكلهم بملابس السجن والقيود فى أيديهم ..
يشاورون على رحمى ويلغطون]

[يدق بشاكوش على المنصة] : سكوت من
فضلكم .. إيه رأيك فاكرا الوجوه دى ؟

[مبهوتا] : جم منين دول .. دنا حكمت عليهم
بالإعدام .. شنقتهم كلهم .. إيه اللئى جابهم ؟
[يصرخ] إيه اللئى جابهم ؟

: تقدر تنفض إيدك منهم . [المجنى عليهم يلوحون
فى وجه رحمى ويتزايد لغطهم وضجيجهم
يرتفع على صوت المحكمة ويصك الأذان]

: [يصرخ] : سكوت [يسد أذنيه] سكوت ..
[يرتفع صوت الضجة .. يختلط بقهقهات
السخرية .. وإشارات الاستهزاء]

: [يدق بشاكوشه فتسكت الأصوات] : خلاص
مبقاش لك حكم عليهم دلوقتى .. ماتقدرش
تسكتهم دول فى عالم تانى غير خاضع لك .. هما
دلوقت اللئى يسكتوك .

الشرقاوى

رحمى

الشرقاوى

رحمى

الشرقاوى

رحمى : [ينقل بصره بينهم فى رعب] : دول شياطين ..

أشباح .. أرواح شريرة .. أنا حاصدر حكم بإعدامهم تانى ..

[كورس من الأصوات يردد فى سخرية : تانى ؟]

رحمى : [يصرخ] : دى مهزلة .. محكمة مشكلة من

مجرمين قتلة سفاحين لصوص .. عصاية تتأمر للعبث برجل شريف ..

[صفير استهزاء .. ضحك .. كلهم يرددون فى

كورس] : شريف جداً .. يقتل بستين جنيه فى

الشهر .. الراس تقف باتنين جنيه .. بريال فى

الجملة .. يا بلاش يا شرف ..

رحمى : أنا أطلب القبض على هذه المحكمة المزيفة .. فين

البوليس ؟

الشرقاوى : مفيش بوليس هنا .. البوليس ده كان عندك فى

العالم بتاعك .. العالم اللى تخليت عنه وتخلي

عنك .. أنت دلوقتى لوحك .. مفيش حد معاك ..

رحمى : ربنا معايا ..

كورس : عشا الغلاية عليك يارب ..

الشرقاوى : ولا ربنا ..

رحمى : [يبكى] : ربنا معايا .. أنا إنسان مظلوم ..

الراجل بيعيط زى ولأيا السيدة .. حا يشيل مخلة

ويسرح على باب الله ..

الشرقاوى : ومن امتى كنت بتأخذ بالعدل الإلهى .. أنت شنقت

دول بعدلك والا بالعدل الإلهى .. لما كانوا بيعقولوا

يارب .. كنت بتعمل فيهم إيه ؟

رحمى : دول سفاحين .. مجرمين .. قتلة .. مايعرفوش

ربنا ..

كورس : عرفت منين ؟! دخلت ضميرهم ؟

رحمى : أنا كان قدامى أوراق .. دوسيه لكل واحد ..

أوراق .. أوراق .. ده كل اللى تعرفه عنهم .. كل

روح عندك عبارة عن ورقة .. إمضاء .. بلاغ .. هى

دى العدالة .. واللى ماعندوش أوراق .. واللى

مايعرفش يكتب .. واللى مالوش محامى .. واللى

مالوش شهود .. تعمل فيه إيه ؟! عم بيومى اللى

مالاقاش شاهد يشهد له .. عملت فيه إيه ؟

رحمى : [يصرخ من بين المجنى عليهم صرخة مدوية] :

إعدام يا بيه إعدام .. شنقنى من غير رحمة ولا

رافة ..

رحمى : [يصرخ] : وعاوزنى أراف بقاتل سفاح يحرق

ابنه بالجاز ويولع فيه ..

رحمى : [يصيح] : برىء .. وعهد الله برىء .. ده أبنى

هو اللى حرق نفسه ..

رحمى كذاب .. ده قاتل أثيم .. الأدلة تدمغه .. وابنه اتهمه قبل ما يموت .

الشرقاوى تنادى على ابنه اللي مات ونساله .

الحلجب [ينادى] : أحمد بيومى .. أحمد بيومى .

[تنشق الأرض ويخرج ولد سنه ١٢ سنة]

الشرقاوى تعال يابنى .. احك لى .. إيه اللي حصل ؟

أحمد أنا اللي حرقت نفسى .. وقلت إن أبويا هو اللي

حرقنى .. عشان كان بيضربنى .. كان دايمًا

بيضربنى [يبكى] .

الشرقاوى [إلى رحمى] : هيه .. إيه رأيك ؟

رحمى [فى صوت باك] الولد هو اللي غير أقواله

دلوقتى وأنا ذنبى إيه .. وأنا أعمل إيه ؟

كورس يا سلام على العدالة يا سلام [يقلدونه] أنا

أعمل إيه .. أنا ذنبى إيه ؟

الشرقاوى وأنيسة العالة ؟

رحمى أنيسة العالة قتلت جبوزها وهو نايم باعترافها فى

التحقيق .. قالت بلسانها إنها خنقته .. قيه إيه بعد

كده ؟

أنيسة [تولول بصوت مسرع] : والنبي يا سعادة

البيه كنت ليلتها نايمة وملطوشة بالافيون ما كنت

عارفة بأعمل إيه .. واتهيا لى إن الرجل سابنى

رحمى
أنيسة

رحمى
كورس

الشرقاوى

رحمى

الثلاثة

رحمى
الثلاثة

واتجوز على .. واتلبشت ما بقيت دارية بنفسى .

وما قلتش الكلام ده ليه فى التحقيق ؟

خفت قالولى الافيون حاويديكى فى داهية ..

حاطضدى فيه ٢٥ سنة سجن .. ولما فقت لنفسى

مالقتش للدنيا طعم من بعد المرحوم [تبكى] كان

عندى أموت مشنوقة ولا اطلع براءة وأعيش

بحرقته .. كنت بحبه .

واحدة مفلة .. حاعمل لها إيه ؟ أنا ذنبى إيه ؟

[يقلدوه] : أنا حاعمل إيه .. أنا ذنبى إيه ؟

وعيلة أبو الغيط اللي شنقتهم بالجملة ؟

دول كمان حد يدافع عنهم .. أربع وحوش اتكاتروا

على واحد وقطعوه عشرين حطة وحطوه فى شوال

ورموه فى الساقية .. عاوزنا نعمل لهم إيه ..

نديهم نيشان ؟

[سالم ومحمود ورضوان أبو الغيط يتحدثون

فى وقت واحد]

الحق لله اللي قتل هو سليم أبو الغيط .. ماحد منا

مد إيده ..

واتعترفنا ليه معاه ؟

إلا مالكتش حق فيه دى يا سعادة البيه .. كله إلا

كده دا احنا عيلة واحدة .. والتار تارنا والعار

عارنا .. ومين حليشيل الدم إلا أصحابه ؟! وهي
عيبة هانتبرى منها .. دا شرف كل واحد يتمنى
يطوله .

عيلة أبو الغيط : عدم المؤاخذه يا بيه .. أصل سلو بلدنا كده ..

رحمى : أما مجانيين صحيح .

الشرقاوى : هيه .. إيه رأيك ؟

رحمى : وأنا أعمل إيه .. أعمل إيه .. إذا كان كل واحد
بيخبي الحقيقة .

الشرقاوى : طيب وقضيتي أنا فضل الشرقاوى .

رحمى : ودى فيها إيه كمان قاتل ومعترف ومتلبس .. قتل

مع سبق الإصرار والترصد .. عايز تأخذ إيه ..
جائزة نوبل ؟

الشرقاوى : أيوه لكن قتلت مين ؟

رحمى : ميشيل مارديكيان صاحب شونة التسليف ..
الراجل اللي سلفك .

الشرقاوى : بالربا الفاحش .

رحمى : مفيش إثبات ..

الشرقاوى : واخذ أرضى ..

رحمى : لسداد الدين المذكور أعلاه .

الشرقاوى : وقتل أولادى السبعة .

رحمى : بايه ؟ بالتنويم المغناطيسى ؟

الشرقاوى :

رحمى :

الشرقاوى :

القاضى العظيم ..

رحمى :

الشرقاوى :

الشرقاوى :

رحمى :

الشرقاوى :

رحمى :

الشرقاوى :

رحمى :

الشرقاوى :

الشرقاوى :

رحمى :

الشرقاوى :

الشرقاوى :

الشرقاوى :

رحمى :

الشرقاوى :

رحمى :

: بالجوع .. بالجوع يا بيه يا متعلم !

: دا سلاح غير وارد فى المادة ٢٢٤ عقوبات .

: ده سلاح بيقتل مجتمعات بحالها يا حضرة
القاضى العظيم ..

: وأنا عايز وقائع .. حشيشات شهود .. اعترافات ..

: احراز .. مش كلمة .. غايمة .. زى الجوع .

: الشهود كانوا قدامك .. فى كل مكان .. فى

: الحوارى والغيطن عيونهم بتقولك كل حاجة .

: الشهود فى المحكمة قالوا لى إن ميشيل مارديكيان

: راجل شريف .

: كدابين محترفين .. اشتراهم بالفلوس .

: وأنا ذنبى إيه .. وأنا حاعمل إيه إذا كان كل واحد

: بيكذب .. وكل واحد بيفير أقواله ؟

: كل واحد فى الدنيا بيفير أقواله .. وكل واحد

: بيكذب .. وأنت بتكذب .

: يبقى مفيش قاعدة .. يبقى ازاي حانوصل للعدالة ؟

: يبقى إيه لازمة الغرور .. ليه دور القتل فى

: الناس ؟

: لازم يكون فيه نظام .

: اللى عملته هو الفوضى .. منتهى الفوضى .

: جايز أكون أعدمت عشرة خطأ .. لكن النظام

استتب نتيجة الخوف .

الشرقاوى : الى استتب هو الإجماع .. القتل اللى أصبحت له
شركات زى حلبات صراع الثيران .. الحروب
العالمية اللى بيتقتل فيها الملايين تحت ستار
الوطنية والشرف والعدالة .

رحمى : وأنا مالى .. وأنا اللى باعمل الحروب كمان .

الشرقاوى : اللى بيشعلها واحد زيك .. إنسان متبجح صفيق ..
بيقول .. عدالة .. حق .. شرف .. نظام [وفى
خشونة] مجرم أثيم لا يكتفى بالإثم .. وإنما
يتباهى به .. الخطايا تغتفر لكن ما لا يغتفر .. هو
وقمار الخطايا وعزة الآثام .. هالة الجلال اللى
ماشى بيها فوق راسك هيه دى الكدبة الكبرى التى
لا تغتفر .

رحمى : انتو ناس مجانين .. عايزين مجتمع من غير
قضاة .. من غير نظام .. من غير عدل .

الشرقاوى : إحنا عاوزين نظام تكون فيه الرحمة فوق العدل .

رحمى : طيب ما ترحمونى أنتو [ييكى] ما ترحمونى ..
رحمتكم اتسعّت لكل المجرمين [يشاور إلى
المجنى عليهم] القتلة دول وضّاقت بإنسان
شريف مظلوم زبى ..

الشرقاوى : مظلوم إزاي بقى ؟! الأستاذ رحمى المستشار

الخطير مائة فدان فى المنوفية ووظيفة درجة أولى
بالسلك القضائى .. دكتوراه من فرنسا .. وكلمة
مسموعة وهالة من التقديس والاحترام . ومظلوم ؟
.. ده أنا عيان .. أنا مريض بالسكر .. والروماتزم ..
وتصلب الشرايين .. والزلال .. والنقرس والكبد .

سمى

بورس : [المحكمة تططّق بالأسنة فى أسف ساخر] :
مسكين .. مسكين .. غلبان .

الشرقاوى : [فى أسف ساخر] : لا .. لا بأس عليك .. وليه
تهمل نفسك كده ؟! ليه ماتروحش لدكتور ؟

رحمى : مفيش دكتور عارف يعالجنى .. كل دكتور يكشف
علىّ يقول لى أنت مهموم بتخيل أمراض مش
موجودة .

[المحكمة مازالت تططّق بالأسنتها فى أسف]

الشرقاوى : حرام .. وليه تتخيل كثير كده ؟

كورس : أنت لازم واسع الخيال قوى .

رحمى : أنا إنسان مظلوم .

الشرقاوى : أنت مؤلف مظالم .. مخترع شكاوى .

رحمى : أعمل إيه .. أروح لمين ؟

الشرقاوى : روح للمجلس الأعلى للاختراع .. سجل اختراعاتك

دى هناك .. حرام تضعيع المواهب الخطيرة دى من

غير ما تستغلها .

رحمى : أنت بتتريق ؟
الشرقاوى : أنا بنصحك لمصلحتك .
رحمى : مصلحتى !! فيه حد فى الدنيا بي فكر فى
مصلحتى ؟
الشرقاوى : [يشاور على المجنى عليهم وعلى نفسه] : كلنا
اتشققنا من أجل مصلحتك .. عشان ما يتقال عنك
القاضى النزيه الحازم .. مش مكفيك احنا كلنا ؟
رحمى : أنا كنت بأخدم العدالة .
الشرقاوى : أنت كنت بتخدم نفسك .
رحمى : أنا مظلوم .. ماحدش فاهمنى .. الكل خذلونى ..
حتى أصدقائى خذلونى .. حتى أهلى خذلونى .
الشرقاوى : أنت أول واحد خذلت نفسك .. الأمراض اللي
بتفري جسمك هيه العقاب اللي أنزلته بنفسك ..
أنت حكمت على نفسك بالأحكام اللي حكمت بيها
علينا .. الموت .. الموت ببطء ..
رحمى : [يصرخ] : لا .. لا ..
الشرقاوى : الموت ببطء فى الوهم والوسواس والخوف .
رحمى : الرحمة .. الرحمة ..
الشرقاوى : اطلب الرحمة من نفسك .. أنت الجانى .. وأنت
المجنى عليه .
رحمى : مش معقول .. [يتحسس نفسه]

الشرقاوى : أنت ألد أعداء نفسك .
رحمى : مش معقول .. ده كابوس .. أنا عايش فى كابوس ..
انتو أشباح .. أرواح شريرة كلكم أبالسة شياطين ..
أرواح نجسة .. أرواح مجرمين محكوم عليهم
بالإعدام وبالخلود فى جهنم إلى الأبد .
كورس : [ساخر] : وأنت معانا فى الخلود بتاعنا .
رحمى : [يصرخ] : أنا مش معاكو .
الشرقاوى : حاتروح فىن منّا .. أنت استقلت خلاص ملكش
غيرنا .. المحكمة اتقفلت فى وشك .. وبيتك اتخرب
حاتروح لمين ؟
رحمى : [يتلفت حوله] حاروح لأمى .
الموجودون : [يرددون فى صوت كئيب] : إنا لله وإنا إليه
راجعون .
الشرقاوى : [فى حزن] : امك توفيت إلى رحمة الله .. البقية
فى حياتك .
رحمى : [يعوى من البكاء وينهار فى القفص] :
أمى .. [ينادى بصوت معول] : أمى .. أمى ..
[سكون تام لا أحد يرد]
الشرقاوى : الله يرحمها .
رحمى : أمى [يبكي] ألافيكى فىن يا أمى ؟
الشرقاوى : مش حاتلاقىها خلاص .. راحت العالم الثانى

رحمى : [يتجول ناظراً حوله] : كوتر .. [يتلفت حوله

باحثاً] كوتر - سبتينى ليه يا كوتر .. خنتينى ليه
يا كوتر .. حاموت من غير ما أشوفك .. حاموت
من غير ما أقول لك .. أحبك - طول عمرى كان
نفسى أقول لك بأحبك .

الشرقاوى

وما قلتش ليه ؟

رحمى : [يهز رأسه فى حيرة] .

الشرقاوى

: [سائلاً] : كبير ؟

أصوات متعددة : مهم ؟؟ عظيم ؟؟ وقور ؟؟ عاقل ؟؟ أكبر من الحب ؟؟

رحمى

: لا أبداً .. أصغر من الحب ..

الشرقاوى

: أصغر بكثير .. يدوبك على قد الكراهية .

رحمى

: [يتلفت باحثاً مستنجداً] كوتر .. كوتر .

[تظهر كوتر فى دائرة من الضوء]

كوتر

: أنت قتلت كوتر .

رحمى

: قتلت نفسى .

كوتر

: أنا واحدة من ضحاياك محكوم عليها بالإعدام من

غير بنود ومن غير مواد فى دستور العقوبات

قتلتنى بالإهمال بالشك بالغيرة .. خنقتنى بحبل

العقل والوقار والمنطق .

رحمى

: أنا « قاضى » .. أنا المنطق .. لو تحيزت بعواطفى

لإنسان حابقى أسوأ « قاضى » فى الوجود ..

حابقى الإنسان الضعيف .

كوتر

: الإنسان الضعيف هو الإنسان الحقيقى .. هو
إنسان الحب .

رحمى

: كوتر ..

كوتر

: أنا مش كوتر .. كوتر انتهت .. أنت قتلتها بأيدك
من زمان .

الشرقاوى

: وهذه هى الجريمة ١٨ فى ملف المتهم .. ١٨
جريمة قتل .. إيه رأيك ؟

رحمى

: أنا مش فاهم حاجة .

الشرقاوى

: أفكر دى قضية واضحة لا تحتاج إلى فهم .. بص
حوالك تلاقى كل ضحاياك .. كل جريمة من

جرايمك بتتكلم .. كل فعل من أفعالك يسعى على
قدميه .

رحمى

: [فى ضعف واستسلام] : كفاية .. اللي عايزين
تعملوه اعملوه .. عاقبونى وخلصونى .. ما عايش

لى حاجة أبكى عليها .. كل اللي كنت باجرى وراء
كان كذب فى كذب .. كل الناس كذابين .. ماحدث

فاهم حاجة .. الدنيا اللي عشتها بتفكرنى
بالروايات البايخة اللي كتنا بنروحها زمان واحنا

عيال .. ونطلع نسقف ونقول .. سيما أوانطه هاتوا
فلوسنا .. أنا كما عاوز أرجع التذاكر وآخد

فلوسى.. خلاص .. هاتوا فلوسى .. عاوز أطلع .

[يضحك] : تطلع فين ؟

: عاوز أطلع بره .

[يضحك] بره فين ؟ مفيش بره .

: بره الاكاذيب دى ..

بره الاكاذيب دى فيه أكاذيب تانية .. كل العالم

اللى أنت فيه أكاذيب .. تطلع من كذبة تلاقى كذبة

[يضحك] أنت عارف أنت فين .. أنت فى جهنم ..

دى [يشير إلى ما حوله] اسمها جهنم .. واحنا

زبانية جهنم .. حانعيش طول عمرنا كده مع بعض

نطلعك من كذبة ندخلك فى كذبة .. نعذب فيك ..

وتعذب فينا إلى ما لا نهاية .. إلى الأبد .

[فى رعب] : مش معقول .. مش معقول .

: أبداً .. هى دى الحقيقة ..

: طيب وفيين النار ؟

: النار فى قلوبنا [يشار على قلبه] .. جوه ..

: أعوذ بالله .

: وأنت مقضى عليك بالحياة زى طور الساقية اللى

متغمية عنيه .

: وفيين المذنبين التانيين ؟ هو مفيش حد مذنب فى

الدنيا غيرى ؟ فين توفيق ؟ فين مراتى اللى

الشرقاوى

رحمى

الشرقاوى

رحمى

الشرقاوى

رحمى

رحمى

رحمى

رحمى

رحمى

رحمى

رحمى

رحمى

رحمى

رحمى

رحمى

رحمى

رحمى

رحمى

رحمى

خانتنى ؟ فين الناس اللى كذبوا على ؟ فين الناس

اللى غرروا بى ؟

: ده سجن انفرادى .

: ومفيش محاكمة .. مفيش حساب .

: طول الوقت محاكمة .. حياتك كلها محاكمة ..

جلسة معقودة طوالى .. استجواب لا نهائى ..

طول عمرنا حانقعد نحاكم فيك .. احنا ورانا إيه !!

: محاكمة من غير حكم .. مفيش نهاية .. مفيش

حكم .. ؟

: جايز يكون فيه حكم .. وجايز مايكونش فيه حكم

.. ماحدش يعرف ..

: مفيش أمل ؟

: الأمل دى كلمة شاعرية .. مالهش معنى فى

قواميس الواقع اللى عندنا ..

: [يصرخ] : واتظلم لمن ؟ فهمونى ؟

: اتظلم لنا برضه .. مفيش هيئة غيرنا .

: وفيه نتيجة للتظلم ؟

: جايز يكون فيه نتيجة .. وجايز مايكونش فيه

نتيجة .. ماحدش يعرف ؟

: [يصرخ] : مش معقول .. انتو عايزين تجنوني ..

: [يبكي] .

الشرقاوى

رحمى

الشرقاوى

رحمى

الشرقاوى

رحمى

الشرقاوى

رحمى

الشرقاوى

رحمى

الشرقاوى

رحمى

رحمى

رحمى

[هيئة المحكمة تطعق بالسنتها فى أسف]

الشرقاوى : لا .. لا .. عيب الكلام ده .. أنت راجل كبير .. مستشار عظيم قد الدنيا .. قانونى عبرى .. لا .. لا ..

[المحكمة تطعق بالسنتها فى أسف .. وتردد

فى وقت واحد] وده برضه كلام .. واحد زيك يعيط ؟ خلّيت إيه للعيال .. كويس كده الناس اللى شنقتهم بيتفرجوا عليك يقولوا عليك إيه ؟ .

[صوت مدوّ يسمّع من خارج المسرح]

البوسطجى : تقرير الطبيب الشرعى وصل .

[رحمى ينتفض واقفاً فى قفصه ويضىء وجهه

بالأمل .. ويبعدو عليه التوتور والخوف ..

والفضول .. واللهفة .. وهيئة المحكمة تعتدل فى

اماكنها .. وتمتد أيديها نحو التقرير المجهول ..

يدخل رجل فى زى « بوسطجى » يحمل رسالة ..

يتقدم بها إلى الشرقاوى .. الرسالة عبارة عن

لغافة طويلة من جلد الغزال تشبه الرسائل التى

كان يتبادلها السلاطين والخلفاء فى غابر

الآزمان .. الشرقاوى يفض اللغافة .. اللغافة طويلة

جداً تتدلى على الأرض .. يمد الجميع أبصارهم

ليقرواها .. كل واحد يمسك بمطلع منها .. كلهم

يقراون فى صوت واحد .. بصوت فيه رهبة]

- اتضح بالكشف الدقيق على المتهم رحمى سعودى

أنه مجنون جنوناً مطبقاً .. وغير مسئول عن

أفعاله .

[تبدو الحيرة وعدم التصديق على الوجوه ..

يعودون إلى القراءة من جديد بنغمة أخرى]

- اتضح من الكشف الدقيق على المتهم رحمى

سعودى .. أنه مجنون جنوناً مطبقاً .. وغير

مسئول عن أفعاله .

الشرقاوى : [يهز رأسه فى إشفاق] : مسكين !

[صدى صوت كلمته يتردد على الشفاه .. وفى

ميكروفونات مركبة فى أماكن مختلفة]

- مسكين .. مسكين !

[يلف اللغافة من جديد ببطء ويربطها بالرباط

الحرير .. همهمة ولغط فى المحكمة يرتفع

رويداً رويداً حتى يصبح ضجة .. وجه رحمى

أصفر شاحب ، ولكنه يبتسم ابتسامة مرتجفة]

الشرقاوى : بناء على تقرير الطبيب الشرعى وحيث إنه ثبت

جنون المتهم المطبق وعدم مسئوليته عن أفعاله ..

نحكم بما هو آت .. براءة المتهم من الجرائم

المنسوبة إليه .. والإفراج عنه وإطلاق سراحه فوراً .

[لغط وهمهمة حتى تصبح ضجة .. إشارات

استنكار .. وصيحات احتجاج - المجنى عليهم

يدقون الأرض بأرجلهم]

الشرقاوى : [يدق بشاكوشه] : وعلى حارس الحكمة أن
يسلمه إلى أهله .

الحارس : [يفتح القفص ويسحب رحمى من يده إلى

الخارج] : المتهم ملوش أهل يا أفندم .

الشرقاوى : إذن يسلم إلى ضميره .

[موسيقى تأثيرية عنيفة تعزف فيها كل الآلات

فى وقت واحد .. أصوات كالصاعقة .. ثم تختفى

الحكمة دفعة واحدة ، ويختفى الموجودون

جميعهم وتبتلعهم الأرض .. لا أحد يبقى سوى

رحمى .. واقفا وحده فى غرفة المكتب الواسعة

التي يعمل بها فى نور الأباحورة المظلل الخافت

.. مازال صدى الصوت يتردد فى ميكروفونات

متعددة وبنغمات مختلفة]

صدى صوت خافت : يسلم إلى ضميره .

رحمى : مستحيل .. مستحيل .. أنا تعذبت كفاية .

الصوت : [فى همس] : يسلم إلى ضميره .

رحمى : مستحيل .

الصوت : [فى همس خفيض] : يسلم إلى ضميره .

رحمى

: مش ممكن أسلم نفسى لحد .

[يتلفت حوله .. يتجول باحثاً عن مخرج]

وحاروح فين ؟

[يتلفت فى جزع باحثاً فى ركن]

حا أهرب إزاي ؟

: يسلم إلى ضميره .

الصوت

[رحمى ذراعاه مفتوحتان فى حيرة لا حد لها ..

يتحسس الجدران بيديه باحثاً عن منفذ .. يحرك

أكرة الباب ولكن الباب لا ينفتح وكل الأبواب لا

تنفتح .. وتتسع عيناه من الذعر .. يخطب بيديه

على كل مكان فى الجدار .. يخطب على الأبواب

- (الهمس يرتفع فيصبح خشنا) .

يسلم إلى ضميره .. يسلم إلى ضميره -

: [يدق بجماع قبضته على الجدران] : الباب ..

الباب .. فين الباب ؟

: يسلم إلى ضميره .

الصوت

[صدى غليظ فضليح يرج المسرح .. رحمى ينهار

باسطاً ذراعيه فى استسلام .. تنفتح نافذة فى

الغرفة .. يبدو منها وجه الأم غارقاً فى

الضوء .. وجهها شاب .. لقد عادت إلى شبابها]

: [فى حنان] مالك يا بنى ؟

الأم

رحمى : أنت فين يا أمى ؟! قالو لى إنك مُت يا أمى .
الأم : مفيش حد بيموت يا بنى .
رحمى : لكن أنت رجعتى شابة يا أمى .
الأم : القلوب الطيبة ما تعرفش الشيخوخة .. الشيخوخة
فى الدنيا بس .. لكن هنا مفيش شيخوخة .
رحمى : لكن أنت معانا فى الدنيا .. أنت بتتكلّمى من الدنيا
يا أمى ؟
الأم : أنا مش فى الدنيا .. أنا انتقلت .
رحمى : يبقى هم ما كدبوش على .. تبقى أنت ميتة ..
الأم : الموت ملوش وجود .. احنا بتغير العنوان .. كل
اللى بيحصل إن احنا بتغير العنوان .
رحمى : لكن الدنيا اللى أنت فيها جميلة يا أمى .. كلها نور
نفسى آجى عندك .
الأم : تعال يا بنى ..
رحمى : آجى إزاي والابواب كلها مقفولة على .. أنا
مسجون .
الأم : أنت اللى قفلت على نفسك .. أنت اللى سجنك
نفسك ربنا ببساع فى رحمته كل الناس .. لكن أنت
اللى حرمت نفسك من رحمة الله .. قفلت عقلك مش
عايز تصدق .. قفلت قلبك مش عايز تحب .. خنقت
عواطفك مش عايز ترحم .. مش عايز تأمن بأى

حاجة .. أنت اللى بنيت حوايك الجدران دى كلها .
رحمى : [يخبط فى الجدران] : مش معقول يا أمى ..
انت بتضحكى عليه .. أنت فكرانى لسه طفل صغير
.. أنت ميتة يا أمى .. وبتضحكى على .
الأم : مفيش موت يا بنى .
رحمى : حا أزورك فى القرافة .. كل الميتين هناك .
الأم : مش حاتلاقينى .. حاتلاقينى مجرد جسم .. مجرد
تراب .. ورقة غياب .
رحمى : [يصرخ] : يعنى إيه ؟! يعنى احنا مش حانموت
أبدًا .. يعنى مفيش نهاية ؟
الأم : [فى هدوء] : مفيش نهاية ..
رحمى : [يستدير فى ياس يواجه الصالة ويصيح
بصوت جهورى] : سامعين .. يعنى .. مفيش
نهاية [ينهار تمامًا] .



قطاع الثقافة
والكتب والمكتبات

